



Republika e Kosovës
Republika Kosova- Kosova Cumhuriyeti
Kuvendi i Komunës



Komuna e Prizrenit
Opština Prizren – Prizren Belediyesi

PROCESVERBAL

Nga mbledhja e pestë e Rregullt e Kuvendit të Komunës së Prizrenit.

Datë: 02 qershor 2026.

Filloi në ora: 10:00.

Vendi: Salla për mbajtjen e mbledhjeve të Kuvendit të Komunës në “Shtëpinë e Bardhë” - Prizren.

Në mbledhje morën pjesë këta anëtarë të Kuvendit të Komunës: Simir Krasniqi – Kryesues, Adem Shabanaj, Adrit Krasniqi, Agim Muqaj, Agnesa Sinanaj Gavazaj, Alban Bislimaj, Albulena Balaj Halimaj, Arianit Berisha, Astrit Temaj, Bajram Kastrati, Dafina Alishani, Daut Panikaj, Dea Gavazaj, Drita Qenaj, Dzengis Saliji, Eldis Abazi, Endrit Zogaj, Haziz Hodaj, Ilir Gashi, Liridona Veçgishti, Mergiton Gavazaj, Mimoza Memaj, Nazife Kokollari, Nerimane Pllana Gashi, Onur Kovaçi, Petrit Hoxhaj, Qemal Krasniqi, Sefidin Islamaj, Selman Sokolaj, Sevil Kazazi, Sevilay Igci Hapçi, Shqipe Shatri Çoçaj, Shukri Quni, Tefik Tarashaj, Trëndelina Kastrati, Ymran Fusha, Zikreta Aliti.

Munguan: Driton Sallauka, Karanfil Haxhillari, Sulltan Badalli dhe Zgjim Kryeziu.

Pjesëmarrës të tjerë ishin: Nënkryetari i Komunës z.Kujtim Gashi, drejtorët e Drejtorive komunale, zyrtarë komunal, përfaqësues të shoqërisë civile si dhe përfaqësues të medimeve.

Mbledhjen e hapi dhe kryesoi z.Simir Krasniqi, Kryesues i Kuvendit të Komunës së Prizrenit, ku dhe i përshëndeti të gjithë të pranishmit.

Simir Krasniqi (Kryesues): Atëherë po fillojmë. Përshëndetje të nderuar anëtarë të kuvendit, i nderuar nënkryetar i komunës zoti Kujtim Gashi, të nderuar drejtorë të ekzekutivit, përfaqësues të mediave, shoqërisë civile dhe ju të pranishëm. Përshëndetje për të gjithë. Urime drejtoreshë emërimi në pozitën e re drejtoreshë e pronës dhe tatimit, ju uroj suksese dhe punë të mbarë. Për sot pra është thirrur mbledhja e pestë e rregullt e kuvendit të Komunës, konfirmojmë se të pranishëm jemi 30 anëtarë të kuvendit, kemi kuorumin për ta zhvilluar punën e kësaj mbledhje. Fillojmë me pikat e rendit të ditës që janë përgatitur për ditën e sotme, të cilat pikat e rendit të ditës janë shqyrtuar dhe rekomanduar nga Komiteti për Politikë dhe Financa për seancën e rregullt pra për këtë mbledhje. Rendi i ditës është ky: Shqyrtimi dhe miratimi i procesverbalit të mbledhjes së rregullt të datës 30 mars 2026, shqyrtimi dhe miratimi i rendit të ditës, pyetjet e kuvendarëve dhe ngritja e çështjeve të ndryshme, shqyrtimi dhe miratimi i propozim vendimit për subvencionimin e transportit urban, shqyrtimi dhe miratimi i draft rregullores për menaxhimin e mbeturinave në Komunën e Prizrenit, shqyrtimi dhe miratimi i projekt planit Komunal për riintegrim të qëndrueshëm të personave të riatdhesuar dhe integrimin e të huajve në Komunën e Prizrenit 2026-2028, shqyrtimi dhe miratimi i propozim vendimit për formimin e grupit punues për hartimin e rregullores së punës e kuvendit të Komunës së Prizrenit dhe pika e fundit informatë mbi gjendjen e barazisë gjinore dhe realizimin e objektivave të strategjisë komunale për barazi gjinore 2024-2026 në Komunën e Prizrenit.

Kalojmë tek procesverbalet, te pika e parë.

Shqyrtimi dhe miratimi i procesverbalit të mbledhjes së rregullt të datës 30 mars 2026.

Dua t'ju informoj se disa nga fjalimet e komuniteteve nuk janë pranuar nga zyra e përkthimeve, në momentin që i pranojmë ato fjalime, do t'ia bashkëngjisim procesverbaleve. Nëse ka prej juve ndonjë vërejtje apo sugjerim rreth procesverbaleve, e hapim diskutimin. Atëherë, e hedhim në votim procesverbalet me fjalimet e komuniteteve joshumicë, kur t'i pranojmë. Sa anëtarë të kuvendit? 32 anëtarë të kuvendit jemi të pranishëm, kemi kuorum. Kush është për miratimin e procesverbaleve të mbledhjes së rregullt të datës 30 mars 2026? 31 për. Kundër? Nuk ka. Abstenim? Nuk ka. Atëherë miratohet pra pika e rendit të ditës, procesverbalet.

Pika e dytë. Shqyrtimi dhe miratimi i rendit të ditës.

Para se të fillojmë rendin e ditës, a kemi ndonjë propozim, ndonjë pikë të re. Po, fjala për ju, shefi i grupit të Partisë Demokratike, Arianit Berisha.

Arianit Berisha (PDK): I nderuar kryesues, i nderuar nënkryetar, të nderuar drejtor, të nderuar kolegë kuvendar, kam një propozim për një pikë shtesë për rendin e ditës. Ka të bëjë me ndryshimin dhe plotësimin e vendimit numër 001/011-52028 datës 30 prill, është vendim që ka të bëjë me bartjen e mjeteve të tejkaluara dhe të pashpenzuara nga të hyrat vetanake të vitit 2025 në vitin 2026. Kjo kërkesë ka të bëjë me ndryshimin e nenit tre dhe vjen për faktin se në fund të vitit 2025 është ekzekutuar gabimisht një shumë nga përmbaruesi në vlerë prej 53,320.37 euro dhe kjo shumë më pas është kthyer në llogarinë e komunës. Informata për këtë shumë të ekzekutuar

gabimisht, ka ardhur me vonesë në drejtorinë e financave dhe kjo shumë i takon të hyrave nga Drejtoria e Shëndetësisë. Prandaj me ndryshimin e këtij neni, kjo shumë që është e Drejtorisë së Shëndetësisë do të bartet për nevoja të Drejtorisë së Shëndetësisë, ndërsa dy shuma të tjera do të zbriten për shumën që e ceka. Për më shumë, nëse kjo veç futet në rendin e ditës, Drejtoria e Financave do t'i bëjë arsyetimet shtesë. Faleminderit.

Simir Krasniqi (Kryesues): Faleminderit Arianit. A ka diskutues të tjerë? Atëherë, e hedhim në votim propozimin e pikës shtesë pra nga shefi i grupit parlamentar të PDK-së. Propozim vendimi për ndryshimin dhe plotësimin e vendimit numër 001/011-52028 datë 30 prill 2026 për bartjen e mjeteve të tejkaluara dhe të pashpenzuara nga të hyrat vetanake të vitit 2025 në vitin 2026. Konstatojmë se të pranishëm jemi 32 kemi kuorum të mjaftueshëm. Kush është për? 19 për, kundër? 5 kundër. Abstenim? Nuk ka. Atëherë miratohet pika e rendit të ditës që kjo pikë t'i bashkëngjitet rendit të ditës si pikë e nëntë e rendit të ditës. Po fjala për ju Arianit.

Arianit Berisha (PDK): Kërkoj vetëm nga administrata që propozimin ta shpërndajë te të gjithë kuvendarët.

Simir Krasniqi (Kryesues): Faleminderit. Atëherë e hedhim në rendin e ditës prapë me pikën shtesë, prapë pikën e nëntë. Propozim vendimi pra për ndryshimin dhe plotësimin e vendimit numër 001/011-52028 datë 30 prill 2026 për bartjen e mjeteve të tejkaluara dhe të pashpenzuara nga të hyrat të vit në afërtë vitit 2025 në vitin 2026, si pikë shtesë pra, si pikë e nëntë e rendit të ditës. Po.

Dafina Alishani (LVV): Faleminderit kryesues. Ne në seancën e kaluar e kemi diskutuar këtë pikën të cilën e keni sjellë përsëri. Është çështja e subvencionimit të transportit urban po ashtu kemi pasur edhe amandamentim nga kuvendi edhe është diskutu, janë shtjellë të gjitha mundësitë ose mendimet e kuvendarëve. Nëse ka mundësi edhe njëherë me na tregu, risjellja e kësaj pike, a ka ndonjë ndryshim? A është marrë parasysh ndonjë kërkesë e kuvendarëve? Apo është vendim i njëjtë me idenë e njëjtë të cilën shumë prej neve i kemi dhënë mendimet edhe i kemi thënë që nuk është mirë me e sjellë në këtë mënyrë. A vlen amandamentimi i cili është votuar në kuvend në seancën e kaluar.

Simir Krasniqi (Kryesues): Është pikë e re kjo Dafinë edhe atë ditë e konsultuam pra në Komitet për Politikë dhe Financa dhe e diskutuam për këtë pikë që është pikë e re dhe është futur në rendin e ditës.

Dafina Alishani (LVV): Kur thoni pikë e re, a ka ndryshime në këtë pikë apo është e njëjta si është diskutuar në seancën e kaluar? Nëse kuvendi e ka rolin kryesor në vendime edhe në votime unë nuk po e kuptoj pse vjen vendimi i njëjtë përsëri. Kuvendi e tha fjalën e tyre.

Simir Krasniqi (Kryesues): Propozuesi pra e ka pru pikën e re dhe ne e kemi futur në rendin e ditës dhe kjo pikë pra është ju ka përcjellë edhe materiali edhe atë ditë e kemi bashkarisht pra në

Komitetin për Politikë dhe Financa, më duket e kemi shtjerrë debatin për këtë pikë, nuk kemi se çka, e drejta e juaj është që ta votoni rendin e ditës apo mos ta votoni me këtë pikë që është këtu.

Dafina Alishani (LVV): Propozimi im është me heq këtë pikë nga rendi i ditës.

Simir Krasniqi (Kryesues): Mirë, atëherë është propozimi, e hedhim në votim këtë propozim. Atëherë, përveç propozimit shtesë pra që u fut në rendin e ditës si pikë e nëntë, propozimi i Dafina Alishanit nga Vetëvendosja është që pika e katërt, shqyrtimi dhe miratimi i propozim-vendimit për subvencionimin e transportit urban të largohet nga rendi i ditës. Të sqarohemi këtu. Sa jemi për që kjo pikë e rendit të ditës të largohet pra nga rendi i ditës? 32 janë prezent. 10 jemi për sa jemi kundër që kjo pikë mos të largohet nga rendi i ditës? 22 jemi për që kjo pikë të mbetet në rendin e ditës. A kemi abstënim? Nuk ka abstënim. Atëherë, pika e katërt, pra, shqyrtimi dhe miratimi i propozim vendimit për subvencionimin e transportit urban mbetet në rend të ditës. Atëherë, e hedhim në votim komplet rendin e ditës me propozimin shtesë të shefit të grupit të kuvendarëve, me pikën nëntë. 32 jemi të pranishëm, sa jemi për rendin e ditës? 22 për. Kundër? 7 kundër. Abstënim? Nuk ka abstënim. Atëherë miratohet rendi i ditës me pikën shtesë pikën e nëntë pra nga shefi i grupit të Partisë Demokratike Arianit Berisha.

1. Shqyrtimi dhe miratimi i procesverbalit të mbledhjes së rregullt të datës 30 mars 2026;
2. Shqyrtimi dhe miratimi i Rendit të Ditës;
3. Pyetjet e kuvendarëve dhe ngritja e çështjeve të ndryshme;
4. Shqyrtimi dhe miratimi i propozim-vendimit për subvencionimin e transportit urban;
5. Shqyrtimi dhe miratimi i draft-rregullores për menaxhimin e mbeturinave në Komunën e Prizrenit;
6. Shqyrtimi dhe miratimi i projekt-planit komunal për ri integrim të qëndrueshëm të personave të riatdhesuar dhe integrimin e të huajve në Komunën e Prizrenit 2026-2028;
7. Shqyrtimi dhe miratimi i propozim-vendimit për formimin e grupit punues për hartimin e Rregullores së Punës së Kuvendit të Komunës së Prizrenit;
8. Informatë mbi gjendjen e barazisë gjinore dhe realizimin e objektivave të strategjisë komunale për Barazi Gjinore 2024–2026 në Komunën e Prizrenit;
9. Shqyrtimi dhe miratimi i propozim-vendimit për ndryshimin dhe plotësimin e vendimit nr.001/011-52028 i datës 30 prill 2026, për bartjen e mjeteve të tejkaluara dhe të pashpenzuara nga të hyrat vetanake të vitit 2025 në vitin 2026

Kalojmë në pikën e tretë.

Pyetjet e kuvendarëve dhe ngritja e çështjeve të ndryshme.

E hapim diskutimin. Po fjala për ju Shukri Quni.

Shukri Quni (BDP): Faleminderit kryesues, përshëndetje për të gjithë kolegët kuvendarë, media, qytetarë. Unë kam një pyetje, një çështje me e ngrit për drejtorinë e arsimit lidhur me mos

organizimin e manifestimit tradicional java Remzi Ademaj, shtigjeve të lirisë. Është një shqetësim që njëkohësisht kërkoj sqarim lidhur me mos organizimin e këtij manifestimi tradicional java Remzi Ademaj, sepse ky manifestim organizohet që nga viti 2002. Kur ju disa ndoshta dhe nuk keni qenë ende me kuptu se çfarë roli ka ky manifestim. Po mos të hyj unë tani te historiku, po pyetja domethënë është kërkesa ime sot apo si çështje me e ngrit, pse ky manifestim nuk është organizuar për të 24-tën herë, domethënë ky manifestim që dy dekada domethënë mbi dy dekada që organizohet. Pastaj në përgjigje kam ende çka me fol, për rolin e manifestimit e për rëndësinë e tij. Besoj që ka këtu, kur kanë qenë nxënësit që kanë marrë pjesë në atë kuiz, besoj që është dikush prej asamblistëve këtu. Për Drejtorinë e Inspektoriatit, ka thënë që ka me dhënë përgjigje, po as me shkrim, as me gojë, po njëherë kjo edhe për Drejtorinë e Shërbimeve Publike, shqetësim është për ndotjen e rrugës së fshatit Nashec, që shkon në Prizren-Nashec është fjala për ujërat e zeza, pasi nuk qenka drejtoresha këtu, është drejtori i Shërbimeve Publike, sepse i takon domethënë Drejtorisë e Shërbimeve Publike rrugët me i mbrojtë edhe me i rregullu. Të nderuar përfaqësues, kjo çështje që po e ngris nuk është për herë të parë, ky është një problem fatkeqësisht që po vazhdon ende dhe është shumë shqetësues për banorët e lagjes Jeta e Re apo rruga për Nashec. Kjo është një kërkesë edhe e atyre banorëve se këtë çështje e kam ngritur edhe më herët domethënë pastrohen gropat septike prej oborrit dhe qiten në rrugë drejtor, është e njoftuar edhe inspektorati, policia dhe krejt, dhe s'janë duke marrë masa. Të shtunën e kam pasur mbledhje me atë lagje, nesër kanë me ju ardhë juve, ju vjen një delegacion prej 5 veta, 10, sa vinë tash nuk e di, kanë me paraqit prapë këtë problem, është problem shumë i madh. Unë ju kam dhënë edhe një propozim pasi ne paguajmë ujin e pijës, që është 57 cent metrin kub. 19 centë e paguajmë për kanalizim. Si rast urgjent, ata duhet me shku me ja pastru ato gropat e jo me na i qit ata në rrugë dhe në asfalt. Aty ku hudhen ato fokale apo fëllim ne i thojnë, aty ka fletë edhe asfalti u prish edhe rruga, drejtor. Nuk di çka duhet me përdorur në këtë kuvend kur njeriu e ngrit një çështje edhe nuk jep përgjegjësi askush. Për planin B nuk po flas, se ka me mbajt mbledhjen edhe në Nashec dhe në Grazhdanik, se krejt ato fshatrat qaty pari kalojmë ne. Ka shumë raste kur dëgjoj që e kanë fillu me qit aty në rrugë, sidomos kur bie në shi edhe natën, unë shumë herë shkoj ose nga Atmaxha ose nga Kobaj e Grazhdaniku, e Vlashnja e vijë në Prizren. Ne jemi në zor aty, aty ka me u shfaq edhe ndonjë sëmundje epidemi ka me shfaq. Tash llogariten kur pastrohen gropat edhe hudhet në rrugë ajo flliqësi ta quajmë kështu me marrë vesh dikush, se nuk e di a janë duke marrë vesh se çka po flas. Nesër i keni ata banorë, atë delegacion në kuvend të Komunës te ju drejtor edhe te drejtoresha edhe me marrë masa për këtë, me u zgjidh ky problem. A me ja zgjidh me hap ndonjë kanal, a me ndërto kanalizimin, ajo duhet me u largu prej atje, në rrugë nuk bën me u qit më. Pse nuk o qit deri tash nuk e di, pesë-gjashtë muajt e fundit jemi në zor për këtë punë, ku e kanë lënë më herët këta nuk e di unë, ky problem duhet me u zgjidhë. Drejtori shërbime publike kam bërë një kërkesë po edhe ju kam dërguar edhe foto, është e nevojshme një mur 50 m gjatësi mur mbrojtës edhe 1.80m thellësi në vendin e quajtur te gurrat e Suzisë është për me u mbrojt mos me u shemb dheu nga uji. I ke parë edhe fotot, më ke thënë që do ta rregulloj, po tash te dera m'i këpute shpresat krejt, the edhe nuk e bëjmë. I forti nuk e bën, tash keni mbërri fuqi edhe ju çka s'bani. Drejtori Gjeodezi dhe Kadastër se nuk qenka këtu, më tha mundesh me ardhë në drejtori për me u konsultu me disa prona është

fjala për në Nashec, vendi quhet Mriz i Suzis. Numri i parcelës 01082-0 010101-0 domethënë janë këto të dyja, po më tha, mundesh me ardhë tha atje tha dhe besoj që e sqaron, se është këto kërkesa pronë e kujna janë ato, pronë shoqërore, pronë e pylltarisë apo pronë private. Drejtori i bujqësisë në Nashec tash shterret Drini edhe ka nevojë aty për spërkatje për mushkonja edhe për insekte. Drejtori, ish-drejtori Bexhat Bytyqi ka marrë vota në Nashec sa ka mujt për këtë. Po shumë e vërtetë është, se e ka kryer me sukses e ka kryer, jo ndoshta për hatër tem, po i ka ky edhe atje i ka do miq, po e ka kryer këtë punë ka bërë shumë mirë. Edhe ti i merr vota, se i keni ju të LDK-së keni në Nashec goxha disa vota, duhet me kthy krytë edhe nga ne andej. Drejtori i bujqësisë, çka është problemi për gjahtarët? Në të gjitha vendet e Kosovës dalin në gjah, në Prizren është e ndaluar. Ne paguajmë tatim, mirëmbajtje të armëve plus kur ta vazhdojmë armën duhet patjetër me shku në shoqatën e gjahtarëve me marrë një vërtetim se përndryshe nuk na vazhdojnë lejen e armës për gjah. Drejtorja për Kulturë, Rini dhe Sport. A hiç s'u bë me ju dhënë atyre bylbylave të Nashecit që sa vjet është një shoqëri kulturo-artistike, njëherë kjo Komunë me u falenderu se ish-drejtori e di pse, se atij i kam bërë shumë herë mirë, e thotë një fjalë popullore ai të mirën s'din me ta kthy, po ta kthen me të keq, po ty s'kam bërë mirë asnjëherë, e kam prit që mos po e merrni parasysht edhe këtë shoqëri. Tani çka është aty më e mira që një vajzë e udhëheq, një profesoreshë e ardhshme e artit, e kulturës, e traditës. Domethënë edhe ju na kishit gjujt anash. Kam ende po, e pashë që minutat të gjitha kanë shkuar, më falni kolegë.

Simir Krasniqi (Kryesues): Disa herë u mundova ta ndaloj se tetë minuta llogarit 41 kuvendar. Faleminderit atëherë për pyetjet që i bëni. Po fjala për ju Shqipe Shatri.

Shqipe Shatri (LVV): Faleminderit i nderuar kryesues zoti Krasniqi. Fillimisht më duhet t'ju uroj bashkëvendëses time zonjës Vjosa Duraj pozitën, suksese dhe punë të mbarë. Edhe unë fillimisht ju drejtohem Drejtorisë Komunale të Arsimit. E nderuara drejtoreshë zonja Veselaj Gutaj, vitin e kaluar, të mos gaboj në muajin shkurt, Drejtorja Komunale e Arsimit ka shpallur konkursin për bursat e studentëve të komunës së Prizrenit. Meqenëse tani jemi në muajin qershor dhe ende nuk është shpallur konkurs për bursat e studentëve, kërkoj nga DKA që të na informoj studentët me këtë çështje. Kur pritet të shpallet konkursi? Me gojën plot e them se studentët tanë janë ndër vlerat më të mëdha që ka Komuna e Prizrenit. E di që këtij pajtimi jeni edhe ju, që përkrahja e tyre nuk është vetëm ndihmë financiare, por edhe investim në të ardhmen e Komunës sonë, si dhe motivim për gjeneratat që vijnë. Faleminderit në mirëkuptim. Gjithashtu më duhet t'ju drejtohem edhe Drejtorisë së Emergjencave dhe Sigurisë. I nderuar drejtor zotëri Arifi, duke qenë se jemi në prag të stinës së verës, kur temperaturat e larta rrisin ndjeshëm rrezikun e zjarreve, kërkoj nga Drejtorja e Sigurisë dhe Emergjencave të shqyrtojë mundësinë e instalimit të hidrantëve me ujë në disa fshatra të Hasit. Konkretisht në fshatin Gorozhup, Planej, Kushnin dhe Lugisht e Hasit. Konsideroj se vendosja e hidrantëve në pika strategjike të këtyre fshatrave u'a lehtëson punën ekipeve të zjarrfikësve për reagim më të shpejtë e më efikas në rastet e zjarreve. Ju faleminderit në mirëkuptim dhe vëmendje.

Simir Krasniqi (Kryesues): Faleminderit zonja Shqipe. Fjala për ju Agim Muqaj.

Agim Muqaj (AAK): Faleminderit kryesues. Përshëndetje ekzekutiv, kuvendar, qytetarë të nderuar. Unë edhe sot kam dy kërkesa pa u fut në ato kërkesat ambicioze për investime, po kërkesa vlenë së pari për drejtorinë për Gjeodezi dhe Kadastër, ku edhe në mandatin e kaluar kam pasur si kërkesë ku shumë banorë të fshatrave përreth Komunës së Suharekës, kanë problem me pronat e tyre që nuk i kanë listat poseduese nuk kanë mundësi as të ndërtojnë apo të bëjnë ndonjë shit-blerje edhe jo vetëm përreth Komunës së Therandës apo Suharekës, po mendoj se kjo është e njëjta gjë është edhe me Komunën e Rahovecit. Kjo drejtori duhet të jepë një sqarim dhe a ka ndonjë afat, kur do të rregullohet ky problem? Se shumë banorë kanë problem për jetën e tyre, dikush kërkon që të ndërtojë shtëpi, nuk e ka pronën me listë poseduese të rregulluar dhe kjo është një kërkesë e qytetarëve që mendoj se me urgjencë duhet të trajtohet dhe të jepet një sqarim për opinionin. Kërkesa e dytë është për drejtorinë e financave, paraprakisht në seancën e kaluar kam bërë një pyetje për një sqarim. Sigurisht ajo kërkesë ka qenë se me ligj është e rregulluar që invalidët dhe familjet të dëshmorëve ndër vite kanë akumuluar borxhin dhe a jemi të liruar apo s'jemi të liruar që së paku të fillojmë ta kryejmë obligimet, sepse unë jam vetë ai përfaqësuesi që kam përfaqësuar këtë kategori lufte ndër vite më parë. E kam thënë, çdo herë janë trajtuar mirë, kanë marrë të gjitha benefitet apo mundësitë që kanë pasur pranë komunës se kanë shfrytëzuar, mirëpo borxhi është akumuluar. Duhet ta dinë e gjithë kjo kategori, a janë të larguar nga këto taksa apo jo. Kështu që drejtor, më keni thënë se do të merrni përgjigje, e kërkoj këtë përgjigje, së paku kjo kategori, këto familje ta dinë a janë të liruar apo le të fillojnë t'i kryejnë obligimet e tyre. Sigurisht se për kërkesa më ambicioze të investimeve kam mjaftueshëm, do të vazhdoj, por mirëpo për një kohë të caktuar i gjithë elektoratit të aleancës i kërkoj falje, se edhe qytetarëve të nderuar se mbas informatave që ka marrë nga shumë kryetarët të Aleancës, të cilat udhëheqen nga Aleanca, sepse nga kjo qeveri e cila është duke na udhëhequr, ka bërë shumë bllokada të buxheteve të kuvendeve Komunale dhe derisa të rregullohet kjo çështje, unë nuk do të kem asnjë kërkesë për investime kapitale apo subvencione të cilat kanë vlerë të madhe. Ju falënderoj, dash Zoti që të ndryshojë gjendjen në përgjithësi në nivel Kosovë që edhe Komuna e Prizrenit dhe gjithë qytetarët e Kosovës t'i përfitojnë benefitet të cilët janë kërkesa imediate për jetën e tyre. Ju faleminderit.

Simir Krasniqi (Kryesues): Faleminderit Agim Muqaj. Fjala për ju Selman Sokolaj.

Selman Sokolaj (LVV): Faleminderit kryesues. Një çështje që dua ta ngrit ka të bëjë me arsimin, është çështje për drejtoreshën e arsimit në Komunën e Prizrenit. A mund të na sqaroni raportin apo pozicionin e trixaxisë së Prizrenit Arben Shala në Drejtorinë Komunale të Arsimit, për shkak se kohët e fundit kemi parë raportimin nga media që ai është person përgjegjës për zgjedhje të drejtorëve. Kush është ky person? Nga e ka ky person atë fuqi, ku e merr ky person këtë besim nga ju si Parti Demokratike edhe si drejtoreshë, i cili është edhe në audio inqizim që tregon qartë e ke me zë dhe figurë, duke treguar qysh përdoren trikat për të përzgjedhur drejtorët, domethënë duke anashkaluar çdo rregullativë ligjore. Për më shumë afërsia juaj me atë person është më shumë se zyrtare, ju shihni me të si subjekt politik edhe në mbërme ndryshme, në ndeja të ndryshme. Kështu që qytetarët edhe drejtorët që pretendojnë ta marrin një pozitë me meritë në shkollat të Prizrenit, kanë të drejtë të marrin një përgjigje nga ju për raportin që e keni me trixaxhinë Arben Shala. E

pata edhe një çështje për kryetarin faktik të Komunës së Prizrenit, zotëri Gashi, mirë që është kthyer, tash ndoshta me letra, për shkak se ajo kuklla aty naltë që na ka mbetur emri i shkruar, ka muaj të tërë që nuk po vjen, mirëpo ai nuk është këtu. Për drejtorin e Gjeodezisë dhe Kadastrës për shkak se shumicën e herëve nuk po është këtu edhe thjesht po na humb interesi me ngritë atë çështje, mirëpo drejtor nëse ju kujtohet ju bashkë me ish-drejtorin e Kulturës dhe disa asamblistë të PDK-së, para disa vitesh, keni bërë një lloj defileje para varrezave të fshatit Romaj edhe keni bërë kinse keni vendosur aty mexhë apo pikat e parcelës që i takojnë varrezave, aty një pjesë është e uzurpuar. Banorët kanë gatishmëri me lëshu atë pjesë që pretendohet që është e Komunës, mirëpo ajo çfarë keni bërë ju është vetëm keni shkuar, i keni bërë një foto i keni përmendur nja 40 vite, edhe pse s'ka qenë ashtu edhe gjendja është ashtu siç ka qenë. A keni ndërmarrë një veprim tjetër që i takon drejtorisë për gjeodezi dhe kadastrë apo Komuna qato parcela, unë kam biseduar me disa prej pronarëve që janë në atyre poseduesve faktik, të atyre hapësirave që ata mbase edhe janë të gatshëm me liru, mirëpo shteti në fund të fundit i ka mekanizmat në pronën e tij të uzurpuar e liron edhe me mjete të tjera ligjore, mirëpo edhe pronarët janë të gatshëm me liru, mirëpo nuk ka pasur një vullnet prej Komunës së Prizrenit që me u shtu ajo hapësira dhe me u zgjedh një problem për shkak se ka filluar edhe aty me u bë ky sistemi qysh është në varrezat e qytetit të Prizrenit, ku njerëzit varrosen një mbi një për shkak të mungesës së hapësirës për t'i varrosur personat që nuk janë më në këtë jetë. Faleminderit.

Simir Krasniqi (Kryesues): Fjala për ju, Sevil Kazazi.

Sevil Kazazi (Ythp): Sayın Meclis Başkanı, Belediye Başkan Yardımcıları, değerli müdürler, meclis üyeleri, medya mensupları, kıymetli katılımcılar hepinizi saygıyla selamlıyorum. Vatandaşlarımızdan aldığımız talepleri ve soruları dile getirmek üzere sözü almış bulunmaktayım. Kamu Hizmetleri Müdürlüğüne talebimiz olacak. Kurula'da "Hafız İsmail Hakkı" mahallesinde birkaç yıl önce Belediye tarafından kanalizasyon çalışması yapılmış ancak yetersiz olduğu konusunda vatandaşlarımızdan şikâyet aldık ve bu kanalizasyonun tekrarlanması gerektiğini bildirmek istiyoruz. Dardani'yadaki "Balshaj" caddesinde asfalt döşemesi için vatandaşlarımız aylarca bekliyor, Müdürümüzle bir takım görüşmeler yaptık, bu asfalt döşemesini en kısa zamanda tamamlanması gerektiğini tekrardan buradan kendilerine talebimi iletmek durumundayım. Diğer taraftan Yeni Mahalle sakinleri ve esnafı, orada yol üzerinde park edilen araçların kaldırılmasını ve bundan sonra da orada park yerinin engellenmesi konusunda Kamu Hizmetleri Müdürlüğüne tarafımdan iletilen dilekçe mevcut ve bu dilekçenin bir an önce cevaplanması gerektiğini düşünüyorum. Tarım Müdürlüğüne bir sorum olacak, aslında bu soru değil şikâyet, sürekli bu şikâyetler dile geliyor ve bizde halkın temsilcisi olarak bu şikâyetleri maalesef birkaç kere burada da bildirmek durumunda kalıyoruz. Başiboş gezen köpekler için sürekli şikâyet alıyoruz. Müdürümüz bu yıl içerisinde köpek barınağının tamamlanacağını bildirmişti ancak projenin hangi aşamasında olduğunu sormak istiyorum, bu konuda bizleri bilgilendirirse sevinirim. Son olarak Kültür Müdürüne bir sorum olacak. Türk Kültür Merkezi, Prizren Türk toplumunun heyecanla ve sabırsızlıkla beklediği en önemli projelerden biri, proje hangi aşamada, inşaat hangi aşamada bize bu konuda bilgi verirse sevinirim. Teşekkür ediyorum.

Simir Krasniqi (Kryesues): Faleminderit. Atëherë nuk kemi diskutues tjerë që janë lajmëruar. Po, fjala për ju Mergiton Gavazaj.

Mergiton Gavazaj (LVV): Faleminderit kryesues. Përshëndetje për të gjithë. Unë sot po e paraqes një rikërkesë për drejtorinë e kulturës, pasi që deri më tani nuk kam marrur asnjë përgjigje lidhur me kërkesën time. Bëhet fjalë për mos funksionalizimin e shtëpisë së kulturës në Zhur dhe nga drejtoria kërkojmë të dimë se cilat janë afatet konkrete për zgjidhjen e këtij problemi. Po ashtu kërkoj nga Komuna e Prizrenit që të ndajmë mbështetje institucionale për organizimin e shënimit të 80-vjetorit të ansamblit Emin Duraku Zhur. Ruajtja e trashëgimisë kulturore nuk është shpenzim, por investim për identitetin dhe historinë tonë. Prandaj, nëse nuk veprohet, rrezikojmë që një nga ansamblet më të vjetra dhe më të njohura në vend të shuhet. Po ashtu për drejtorinë e shërbimeve publike e kam një kërkesë nga lagja Gurishte, konkretisht rruga Masar Ferati. Aty jetojnë mbi 300 banorë, të cilët prej vitesh vazhdojnë të përballen me mungesë të infrastrukturës bazike, bëhet fjalë për afërsisht një kilometër rrugë, e cila ende nuk ka as ndriçim publik, nuk ka as rrjet të kanalizimit dhe rruga vazhdon të jetë e pashtuar. Prandaj kërkojmë nga drejtoria e shërbimeve publike që të dalë në terren, ta vlerësojë gjendjen reale dhe të na informojë nëse kjo rrugë është e parapare në investimet Komunale. Faleminderit shumë.

Simir Krasniqi (Kryesues): Faleminderit Mergitan, fjala për ju Onur Kovaç. Le të përgatitet Alban Bislimaj.

Onur Kovaç (KDTP): Sayın meclis başkanım, belediye başkan yardımcım, çok değerli müdürlerimiz, belediye meclis üyesi arkadaşlarım, öncelikle hepinizi saygıyla selamlıyorum. Benim sorum Kamu Hizmetleri Müdürüne olacak. Öncelikle Jaglenica / Dardania semtimizde geçen ay Rust Kabashi caddesinde çok güzel bir park oldu ve öncelikle bölge sakinlerinin bu park için Müdürlüme ve Belediyemize teşekkür ettiklerini iletmek istiyorum. Uzun dönem beklenen bir parktı ve faydasını gördüler. Bu parkla ilgili bölge sakinlerinin 2 ayrı önerileri var, birincisi parkın ana caddeye bakan kısmının tel örgülerle veya bitkilerle bir şekilde kapatılıp çocuklarımız için güvenli bir alan oluşmasını talep ediyorlar. Bununla ilgili resmi dilekçeleri de önümüzdeki günlerde müdürlüğe sunmuş olacaklar. Aynı zamanda bu parkın içerisinde çocuklarımızın oynayabileceği bir oyun parkının da inşa edilmesini istiyorlar bunun proje içerisinde yer alıp almadığını da Müdür beye sormak istiyorum. Ayrıca yine Jaglenica semtimizde, Dardania bölgesinde, Dardania 2 bölgesinde mahalle sakinlerimizin asfalt konusunda beklentileri var, maalesef bu bölgede kanalizasyon kapakları bulunuyor ve bu yoldan her gün çocuklarımız okula gidiyorlar diye bir şikâyet aldık ve ebeveynlerimiz çocuklarının güvenliği konusunda endişe ediyorlar, bununla ilgili bir talepleri oldu. Ariyetten diğer bir durum da Ortakol bölgesiyle ilgili, maalesef park sorunu yani Prizren'in gelişmesi ve büyümesiyle ilgili bir sorun ve her bölgemizde park yeri sorunu var ancak Ortakol bölgemizde apartmanların önünde genellikle park yerleri bulunuyor o apartmanlar ayrı bununla ilgili bir araştırma yapıp o otoparkların apartmanlara özel

olarak ayrilmasini, numaralandirilmasini ya da en azından apartman otopark yerlerinin çizgilerle belirlenmesini talep ediyorlar. Ben teşekkür ederim sağ olun.

Simir Krasniqi (Kryesues): Faleminderit Onur. Fjala për ju Alban Bislimaj.

Alban Bislimaj (PDK): Faleminderit kryesues. Të nderuar nënkryetarë, kolegë kuvendarë, drejtorë, media dhe të nderuar qytetarë. Unë e kam një kërkesë në lidhje me Drejtorinë e Arsimit, është fjala për shkollën Naim Frashëri në paralelen Kobaj, në dimrin që e lamë pas, domethënë ajo shkollë është ballafaquar me probleme të nxemjes qendrore. Në atë shkollë është sistemi domethënë me kalldaj me dru dhe aty ka pasur shumë defekte gjatë dimrit që e lamë pas. E di, domethënë ka pasur intervenime për mënjanimin e defektit, por vazhdimisht ka pasur probleme. Kërkesa ime është që në dimrin që po vijmë domethënë të bëhet kjo zgjidhje me ndonjë sistem tjetër, domethënë me ndonjë me ndonjë sistem pelet apo me pompë termike, pasi që sipas informatave të mësimdhënësve, dimrin që e lamë pas domethënë temperatura ka qenë 13 gradë dhe mendoj që është shumë e ulët për një shkollë nxënësit me mbajtur mësim në një gjendje të tillë. Domethënë mbes me shpresë që drejtoria të merr masa dhe dimrin që po vijmë mos të hyjmë domethënë me një gjendje të tillë për të rregullohet nxemja qendrore në shkollën e fshatit Kobaj. Dhe kam edhe një kërkesë tjetër në lidhje me drejtorinë e urbanizmit edhe shërbimet publike, kam bërë dy kërkesa herën e kaluar, por nuk kam marrë përgjigje as me shkrim, as privatisht, askund. E kam ngritur shqetësimin e tranzitit të ri, domethënë te kufizimi i shpejtësisë, a u bë ndonjë analizë, çfarë u bë në atë tranzit, domethënë nuk kam marrë përgjigje. Ka mbetur ende ai kufizim, kurse te drejtoria e urbanizmit nuk më ka kontaktuar, s'më ka çuar email sa i përket poligonit të stacionit të autobusëve për auto shkolla. Ju po e dini qysh është gjendja domethënë që auto shkollat janë duke punuar me një gjendje të mjerueshme në atë rrugë dhe janë duke bërë kaos nëpër qytet edhe siguria nuk është e duhur sa i përket lëvizjes se ku operojnë auto shkollat për moment. Të gjendet një vend, të më kontaktojnë edhe të dalim bashkë edhe besoj që e bëjmë një zgjidhje, por nuk më kanë kthyer email fare me kërkesën që e kamë bërë. Faleminderit.

Simir Krasniqi (Kryesues): Faleminderit Alban. Për ju fjala zonja Nerimane.

Nerimane Pllana Gashi (LVV): Përshëndetje të pranishëm. I kam dy kërkesa edhe një sqarim sot. Kërkesa e parë është drejtuar Drejtorisë së Arsimit, kam kërkesë nga banorët e Lubizhdës në shkollën fillore Ekrem Rexha, në oborr të shkollës është duke u punuar diçka, mirëpo banorët nuk e dinë se çka po punohet. Nëse ka mundësi drejtoreshë me na informuar çka është duke u punuar? Unë isha në terren më kërkuan me dalë aty, isha në terren edhe pashë që nuk ka asnjë tabelë njoftuese, informuese për projektin që ka me përfunduar aty. Vetëm makinerinë e pashë edhe pashë një tabelë e kompanisë domethënë që qysh me thënë një reklamë e firmës që e ka marrë punën me bë, dhe ajo ishte vendosur në shkallë të shkollës. Banorët e fshatit Lubizhdë kanë dëshirë me e ditë se çka po punohet më gjerësisht aty, se nuk ka kurrfarë përfundimi të atij projekti. Kërkesa tjetër është për drejtorinë e shërbimeve publike. Drejtor i nderuar që nga konstituimi i këtij kuvendi e kam bërë një kërkesë goxha moti për rrugën që të shpie te shkolla Nazim Kokollari. Ma keni dhënë përgjigjen që si të ndalen të reshurat kemi me vazhdu, rruga është edhe parafolësi e ceku,

domethënë për puseta mos të flas është gjendja katastrofë. Fëmijët i kemi nëpër rrugë janë duke ecur me shkuar në shkollë, është duke përfunduar viti shkollor por fëmijët tonë janë pa trotuar. Ju kisha lut, projekte të reja ndoshta s'po kërkoj na prej juve me fillu, mirëpo qato s'paku me na i mundësuar fëmijëve që ne si prind të jemi të sigurtë derisa ata shkojnë edhe vijnë prej shkollës. Edhe për parkun Rust Kabashi e ceku më herët edhe parafolësit, deshta një sqarim a ka përfunduar ai park? A ka me vazhduar diçka në atë park? Se nuk po duket që ka përfunduar. Fakt mirë është bërë qysh ka qenë, kemi qenë katastrofë aty, mirë është bërë, mirëpo si përfundim unë nuk po e shoh. Shumica e banorëve po më qasën mua, po më pyesin, a ka përfunduar, nuk jam duke e ditur as çka me ju thënë. Domethënë, nëse ka mundësi me na treguar a ka me pas punime në vazhdim diçka, a ka me pas shtesa edhe normal që ajo rrethoja për rrugën kryesore është e nevojshme shumë. Faleminderit. Drejtori i punës dhe mirëqenies sociale po mungojka, ja kam bërë kaheerë një kërkesë as përgjigje me shkrim, as përgjigje këtu nuk më ka dhënë. Për qato 17 familjet e dëshmorëve, ai problemi i banesave të tyre, kisha kërkuar publikisht që drejtori me na dhënë një përgjigje. Është rast shumë i ndejshëm, kemi raste sociale, po pikërisht për 17 familje të dëshmorëve jam tu prit që pesë muaj një përgjigje. Ju faleminderit.

Simir Krasniqi (Kryesues): Ju faleminderit. Fjala për ju, Qemal Krasniqi.

Qemal Krasniqi (LDK): Faleminderit. Përshëndetje kryesues, drejtor dhe ju koleg kuvendarë. Kam një çështje që do ta ngris këtu, ka të bëjë rreth një projekti ndërtimi i ujësjellësit Piranë, Zojz, Medvec, deri në komunën e Mamushës. Ky projekt është i investuar nga Ministria e Zhvillimit Ekonomik, nga hidrosistemi Radoniq dhe Kuvendi Komunal i Prizrenit. E di që edhe Kuvendi Komunal i Prizrenit, Komuna e Prizrenit ka investuar me participim 200.000-300.000 euro. I nderuar nënkryetar me që po mungon kryetari, kam qejf që ti me qenë mundësisht. Ky projekt ka filluar para një viti është përfunduar mirëpo uji nuk është lëshuar, banorët e asaj ane një pjesë e fshatit Piran, Zojz, Medvec dhe Komuna e Mamushës, kërkojnë me ditë se pse nuk po lëshohet ky ujë. Ju si participues të këtij projekti është mirë që të kontaktoni me Hidroregjionin, Radoniqin dhe Ministrinë e Zhvillimit Ekonomik dhe ta shohim qartë se ku është problemi, pse ky ujë nuk po lëshohet. Sipas informatave ne si qytetarë të asaj anë që i kemi, drejtori i sapo zgjedhur i Hidroregjionit i ardhur nga komuna e Malishevës thjesht është duke e neglizhuar këtë proces. Prandaj ju bëj thirrje juve si në këtë rast juve nënkryetar që të mirreni me këtë çështje dhe të dilni para qytetarëve të asaj ane t'i kallëzoni pse nuk po lëshohet uji. Projekti që një vjet ka filluar, është realizuar, është përfunduar, mirëpo uji nuk po lëshohet. Kaq, faleminderit.

Simir Krasniqi (Kryesues): Faleminderit Qemal. Fjala për ju Petrit Hoxhaj.

Petrit Hoxhaj (GUXO): Faleminderit kryesues, i nderuar nënkryetar, të nderuar kolegë kuvendarë. Në javën e kaluar ka qenë shqetësimi i disa agjencive turistike lidhur me qentë endacak në qytetin e Prizrenit, ku për fat të keq ka ndodhur edhe një aksident dhe askush nuk dihet se çka është duke ndodhur me qentë endacak në qytet dhe gjendja e papastërtisë në institucionet të Komunës së Prizrenit dhe rrugët në Shatërvan, me të vërtetë ka ndodhur një aksident dhe është për të shprehur keqardhje, sepse në momentin që ndodhin aksidente të tilla, qyteti i Prizrenit i bien

edhe turistët sepse nuk janë të sigurt me ardh dhe me vizituar. Ne shquhemi për traditë ne shquhemi për kulturë dhe në fakt nuk jemi duke ju siguruar sigurinë turistëve. I nderuari drejtor, edhe drejtori i bujqësisë edhe drejtori i turizmit, çka është duke ndodhur do thotë me këtë sepse turistët dhe me hy dhe me shiku nëpër faqet e tyre të Tik Tok-eve dhe Facebook-eve, me të vërtetë janë duke na paraqitur si një qytet jo i pastër dhe jo i sigurt në këtë Komunë. Çka është duke ndodhur me strehimoren e qeneve endacak në Komunën e Prizrenit dhe çka është duke ndodhur me papastërtinë e sheshit të Shatërvanit?

Simir Krasniqi (Kryesues): Faleminderit Petrit. Nuk kemi diskutues të tjerë që janë lajmëruar. Po, fjala për ju, Eldis. Le të përgatitet Ilir Gashi.

Eldis Abazi (VAKAT):

Simir Krasniqi (Kryesues): Fjala për ju, Ilir Gashi.

Ilir Gashi (LVV): Faleminderit zotri kryesues. Drejtor Islam Ukimeri, përse nuk po rregullohen rrugët e dëmtuara brenda në qytet? Disa prej tyre janë bërë gati të pakalueshme nga gropat e mëdha dhe dëmtime të shumta. E ke rrugën Gustav Mayer nga 17 Nëntori, shkolla 17 Nëntori në drejtim të rrugës Zahir Pajaziti te birovit për punësim, pastaj është rruga Tirana emri vjetër nuk po më kujtohet Dervish Shala mos gabofsha që lidh rrugën në fillim të rrugës për Nashec, në drejtim të Jetës së Re. Pastaj është rruga Albrim Fanaq, që lidh rrugën e Ulqinit me rrugën Enver Hadri, po ashtu në lagjen dy Korriku rreth çerdhes Yllka punimet kanë pasur me përfundim vitin e kaluar nga muaji qershor-korrik, po ja kaluan një vjet e më tepër dhe punimet janë ndërprerë, banorët e lagjes janë në hall nga pluhuri dhe nga lloçi, punimet nuk po vazhdojnë pse ka ndërprerje, pse nuk po vazhdojnë punimet dhe pse nuk po ndërhyhet në rrugët e shumta të dëmtuara brenda në qytet? Për drejtorin e urbanizmit në lidhje me lejen për stadiumin e Lirisë që e ka bërë Ministria e kulturës, në çfarë faze është kur pritet të del leja dhe të fillojnë punimet. Me keqardhje pas çdo procesi të vlerësimit të projekteve të kulturës, po duhet me reagu publikisht në lidhje me politizimin e ndarjes së subvencioneve. Edhe sivjet si vitin e kaluar, drejtorja e kulturës nuk po mundet me u shëru nga ky kompleks dhe me ndëshku njerëz që nuk janë të përshtatshëm politikisht me qeverisjen aktuale të Komunës së Prizrenit. Drejtoreshë e nderuar e kulturës, nuk e di a jeni të vetëdijshëm se udhëheqni me drejtorinë e kulturës të një qyteti që njihet si kryeqytet kulturor i Kosovës, që brenda vetit ka festivalet të filmit me nam ndërkombëtar, e ju ndani subvencione minimale për ta. Ka shkrimtarë me emër, me libra shkencor, e me paraqitje mediatike, ligjërues universitar, ka panair libri që mbahet 18 vite, e ju nuk ndani asnjë cent subvencione për ta dhe më e keqja nuk jepni arsien se pse privohen nga kjo edhe pse ne e dimë arsyen është papërshtatshmëria politike, që ju në këtë rast vetëm mund të bëni mjet për kryetarin. Po ashtu edhe organizata të tjera, sikurse ato të bjeshkatarëve, klubet e notit, e klube të tjera, e individë që në rrjetet sociale këto ditë kemi parë jashtëzakonisht shumë reagime. Drejtoreshë e nderuar, ju takon juve që këtë dikaster ta udhëheqni me transparencë dhe me drejtësi dhe kulturën, artin, letërsinë mos ta kthejmë, mos ta politizojmë, mos ta kthejmë në hakmarrje politike me njerëz që jetën e tyre mund të jenë anëtarë të një partie apo një orientimi tjetër politik. Kulturën ta mbajmë larg politikës dhe ndikimeve partiake. Ju lutem

merrni me seriozitet dhe rishikoni këto vendime të komisionit vlerësues. Sepse ata anëtarët e komisionit nuk dua t'i cekim me emër. Krejt me i bëj bashkë nuk vlejnë as një përqind e shumë me thënë, se sa emrat që i përmenda e që janë privuar nga subvencionimi për zhvillimin e projekteve të tyre kulturore e letrare. Ju takon juve që ta përpiloni një rregullore, që mos të mbetet më mëshirën e anëtarëve të komisionit për me vlerësuar se kush sa duhet të merr subvencione. Po të jetë një rregullore e cila përmban në veti kriteret reale për me vlerësu çdo projekt, të çdo organizate apo të çdo individit, e që mbi të gjitha do të kishte parasysh impaktin që e ka dhe jetëgjatësinë apo edicionet e shumta që i kanë bërë. E shpresoj që këto vendime do t'i rishikoni dhe do të na mundësoni një vlerësim më të drejtë. Faleminderit për dëgjim.

Simir Krasniqi (Kryesues): Faleminderit, fjala për ju Bajram Kastrati.

Bajram Kastrati (LDK): Faleminderit kryesues, përshëndetje ekzekutiv, kolegë kuvendarë. Një kërkesë për drejtorinë e arsimit. Drejtoreshë, të kisha sugjeruar me u konsultu edhe me drejtorinë e shërbimeve publike, në shumë shkolla mungon sinjalizimi, sidomos sinjalizimi horizontal që paralajmëron shkollën. Kemi lëvizje të shpeshta me vetura edhe afër shumë shkollave mungojnë këto sinjalizime dhe rrezikohen sigurisht edhe ju kisha sugjeruar, kam pasur kërkesë edhe më herët ti identifikoni ato shkolla. Njëra prej tyre është shkolla në Arbanë, po ka edhe shkolla të tjera. Faleminderit shumë.

Simir Krasniqi (Kryesues): Faleminderit. Fjala për ju Liridona Veçgishi. Le të pregadit Sevilaj Apci.

Liridona Veçgishi (BDP): Përshëndetje kryesues, të nderuar ekzekutiv, kolegë asamblistë dhe ju qytetarë. Pyetja e parë shkon për drejtorin e shëndetësisë. Drejtor, një kohë të gjatë ka disa muaj që në qendrën kryesore të mjekësisë familjare mungojnë analizat bazike, HBA 1-shi dhe gjëndrat tiroide apo ndryshe si njihen në popull diabeti në tre muajt e fundit. Ku qëndron problemi dhe pse është mungesë e këtyre analizave bazike? Duke e ditë që në Komunën tonë të Prizrenit kemi një numër të madh të pacientëve me diabet dhe kosto për t'u bërë privat këto analiza është një kosto e kushtueshme për qytetarët. Mund ta di se pse nuk furnizohet QKMF-ja me këto dy lloje të reagencave që janë më se të nevojshme, ju e dini më mirë se unë në këtë çështje. Dhe pyetja e dytë shkon për drejtorin e shërbimeve publike, një ashtu i përket edhe drejtorisë së inspektorateve. Drejtor, në fshatin Vlashnje, në urë që është në fshatin Vlashnje, në mes të fshatit Vlashnje dhe Maradem, besoj që qytetarët i kam takuar dhe kanë bërë kërkesë edhe në drejtorinë juaj dhe në drejtorinë e inspektorateve po asnjëherë nuk kanë marrë përgjigje. Një pronë, një biznes privat në atë urë, dalja e të reshurave të shiut nën urë kalon në dy hyrje, njëra nga hyrjet e daljes është e bllokuar nga biznesi privat dhe ai ka bërë qasje nën këmbëzën e urës për të hyrë edhe në biznesin privat edhe nga rruga kryesore edhe në rrugën kryesore. Kam video dhe foto, ku disa nga banorët aty janë mbi 20 familje që kanë një gjashtë familje kanë edhe sera, komplet janë dëmtuar serat një e reshur e shiut komplet ja merr serat të gjithë pjesës aty të asaj zone. Drejtor, ju kisha lutur me dërguar një ekip dhe me e pa se në çfarë gjendje është e uzrëpuar me komplet njëra në këmbëz e urës. Faleminderit shumë.

Simir Krasniqi (Kryesues): Faleminderit Liridona, fjala për ju Sevilaj Apçi.

Sevilaj Igci Hapçi (KDTP): Sayın meclis başkanım, belediye başkan yardımcılarım, müdürlerimiz, meclis üyelerimiz, hepinizi saygıyla selamlıyorum. Turizm Müdürü sn. Adem Morina'ya bir talebim olacak. Prizren merkezinde bulunan Saat kulesiyle Prizren Birliği başta olmak üzere turistik ve kültürel miras alanlarında yer alan bilgilendirme tabelarında Türkçe diline yer verilmediği görülmektedir. Bu nedenle halkımızdan ve turistlerimizden gelen talepler var. Prizren Belediyesinde Türkçe'nin resmi kullanım statüsü dikkatte alındığında bu bilgilendirme tabelarının da ve tanıtım materyallerin de Arnavutça, İngilizcenin yanı Türkçe ve diğer dillerin de kullanılması gerekmektedir bu yüzden ilgili müdürlükten gereğinin yapılmasını talep ederim. Teşekkürler.

Simir Krasniqi (Kryesues): Faleminderit. Diskutuesit tjerë nuk kemi që janë lajmëruar. Po Dafina. Edhe mundësisht ata që kanë me marrë fjalën le të lajmërohen me kohë që disa herë po përsëris. Fjala për ju Dafina Alishani.

Dafina Alishani (LVV): Faleminderit kryesues. Është qe 10 minuta që kam ngritë dorën, po se di pse s'po doni me më pa, apo s'po ju konvenon. Pikë së pari, më vjen keq që kryetari përsëri nuk është në seancë, unë nuk e di pse e ka këtë qasje edhe këtë qëndrim, shkaku që ai në secilën fushatë thirret që ka bashkëpunim me kuvendin, thirret që bashkëpunon e i dëgjon edhe të gjitha kërkesat e kuvendit, është për të ardhur keq se këto qëndrime i ka vetëm për fushatë dhe kur të përfundon fushata e kemi një mungesë të qartë të kryetarit. Kjo vlen të theksohet edhe ta shohin qytetarët. Unë nuk e di pastaj ato poentime kur po bëhen, si ka mundësi që poentohet prezenca e kryetarit në kuvende, sepse dhe aty ka poentime për grantin kryesisht. Këtu i bëj thirrje që të vijë në kuvend dhe t'i dëgjoj kuvendarët sepse ne i përfaqësojmë këtu qytetarët edhe nuk është aspak respekt për kuvendin. Çështja tjetër është Kujtim mirëse ke ardhur, i kemi mungu kësaj pjese meqë pa një dirigjent këtu ishin të koklavitur shumë, kështu që shpresoj që tash me veprimet që i bën si çdo seancë, do ta kesh në kontroll ekzekutivin e tërë. Sa i përket çështjeve, në seancën e kaluar e kam ngritur si shqetësim çështjen e veturave të papërdorura, kryesisht janë të Komunës e që janë mbrapa shtëpisë së bardhë. I kam identifikuar diku tetë vetura që janë me vite aty edhe uzurpojnë vend parkingje. Nuk kanë marrë asnjë masë drejtoritë përkatëse nuk e di kujt t'i takon, por ju kisha lutur, meqë është edhe sezoni i verës dhe ka me pas shumë vizitorë me i liruar edhe ato hapësira meqë janë pa pagesë me u shfrytëzu. Po ashtu çështja e shkollave, domethënë tek këto oborret, a do të shfrytëzohen edhe këtë vit për parkingjet të mërgimtarëve? A ka ndonjë planifikim të tillë drejtoreshë? Çështja tjetër që ka ankesa shumë të mëdha prej mirëmbajtjes së QKMF-së edhe QMF-ve. Drejtor, papastërtia është në nivel tejet e keqe qoftë për staf, sidomos QKMF, qoftë për staf edhe qoftë për pacienta. Po brenda hapësirave. A është problemi që keni mungesë të stafit, apo nuk keni mjete për me ble këto materiale higjienike? Ju kisha lutur që ta keni këtë sensitivitet meqë është institucion shëndetësor edhe ka tejet me rëndësi higjiena. Edhe një çështje e kam për drejtorinë e shërbimeve publike. Drejtor, sa tender ekzistojnë për ndriçim publik? Edhe sa të tjera keni plan me i hap? Por sa përqindëshi i ndriçimit ka përfunduar në Komunën tonë? Janë disa lagje, s'po di a po tentoni me i bë diskoteka? Po ndalen edhe dhezën non-stop. A ka ndonjë problem

të cilët ju e keni identifikuar apo është totalisht mosmirëmbajtja e këtyre pjesëve? Banorët po duan me ditë, domethënë, çka është problemi me këto pjesë. Edhe kur përfundimisht ne kemi me pasur më ndriçim në çdo lagje. Unë mendoj që është një çështje emergjente, të cilët ju vazhdimisht na keni thënë shtatori, tetori, dhjetori, janari, non-stop kemi pasur data ose muaj, por ne ende kemi probleme me ndriçim publik. Ju kisha lut me bë një analizë edhe me na tregu deri kur më kemi me pas terrin në Prizren. Faleminderit.

Simir Krasniqi (Kryesues): Faleminderit Dafina. Atëherë kalojmë në kalojmë në përgjigjet e ekzekutivit. Fjala për ju drejtor i kadastrit, Senxhar Karamuço. Atëherë nënkryetari shkurt.

Kujtim Gashi (Nënkryetar): Faleminderit kryesues. Të nderuar anëtarë të kuvendit, kolegë nga ekzekutivi, përfaqësues të mediave, të nderuar qytetarë të cilët na ndjekin nëpërmjet mediave. Qemal, sa i përket investimeve në rrjetin e ujit të pijes, ka qenë një lajm i mirë kur e kemi nënshkruar marrëveshjen bashkë me KRU Gjakovën edhe Qeverinë e Kosovës. Siç e dini, roli i Komunës këtu është në kuptimin e ndihmës të këtij projekti domethënë ne e kemi ndihmuar projektin, kemi participuar në projekt por nuk kemi asnjë rol në ekzekutimin e projektit dhe me thënë të drejtën nuk kam ndonjë informatë të saktë pse s'ka përfunduar projekti deri tash, por të premtoj që do të marr informata zyrtare nga implementuesit të projektit. Përndryshe Komuna ka qenë participuese edhe ju kemi gëzuar shumë këtij projekti, për shkak se jemi të bindur që e kemi bërë një zgjidhje të mirë bashkë me Qeverinë edhe me KRU Gjakovën, si bashkë investitor në këtë projekt shumë të rëndësishëm për qytetarët e Komunës së Prizrenit. Po besoj që, megjithatë, ky projekt veç është ka fundi, ndoshta për ndonjë problem teknik nuk është analizu, por roli i Komunës në këtë projekt është vetëm financues edhe në kuptimin e asaj që ne kemi kryer procedurat e dokumentacionit ato që na janë kërkuar në bazë të memorandumit të bashkëfinancimit të këtij projekti. Pata një përgjigje për Dafinën por meqë s'është këtu po e përfundoj. Faleminderit.

Simir Krasniqi (Kryesues): Faleminderit nënkryetar. Fjala për ju Senxhar Karamuço. Le të përgatitet Luljeta Veselaj.

Senxhar Karamuço: Për problemin ndërkomunal me Suhareken është problem i motshëm. Problemi buron nga aero inçizimet 1970. Atëherë kur kanë bërë inçizimet, një pjesë të pronave është regjistruar edhe në Suharekë edhe në Prizren. Tash ata qytetarë e kanë listë poseduese, tonat e kanë listë poseduese, vetëm pasi që është parcela e njëjtë, nuk janë figuruar me gjendja faktike. Për këto vitin e kaluar me vendimin e kryetarit është formuar një komision ndërkomunal. Ne kemi formuar, e kemi propozuar dy emra, dy emra e ka propozuar Suhareka edhe një kërkuam prej agjencisë kadastrale, pasi ata menaxhojnë me sistemin kadastral. E kanë mbajtur disa mbledhje për shkak se problematikës që aty pronat shumica në Suharekë janë pronësi të pylltarisë. Nuk kemi mundur me pru një dakordim për me pru një marrëveshje na me votuar këtu, ata me votuar. Për atë arsye komisioni e ka propozuar një komision të formohet qeveritar, pasi edhe pylltari është nën menaxhim të Qeverisë, edhe Agjenci kadastrale, edhe ata me bë një zgjidhje. Pasi që në agjenci kadastrale një gjashtë muaj është duke bërë disa ndryshime dhe nuk kemi pasur një mbledhje

përmbyllëse për këtë temë. Besoj që kohën e ardhshme besojmë që do të bëhet një zgjidhje për këtë temë.

Agim Muqaj (AAK): Drejtor, faleminderit për sqarimin në mënyrën tuaj, po mendoj se ata qytetarë i vuajnë këto pasoja dhe mendoj se duhet të jeni më të zëshëm si kuvend Komunal dhe të dilni edhe publik. Këtë punë duhet ta mbani në përgjithësi, qoftë drejtorja kuvend Komunal ose të dilni në media dhe të fajësoni dikënd që nuk i kryen punët e veta, qytetarët donë zgjidhje. Edhe ne kur japim një përgjigje për qytetarët po japim një përgjigje thuajse me dekada edhe me shekuj. Domethënë është një zgjidhje e papërfunduar. Duhet të ketë një afat, mendojmë se këtë vit kalendarik do të përfundon, apo ta merr fajin dikush, qoftë Komuna e Prizrenit, qoftë Qeveria. Në qoftë se i ka fajin Qeveria, ju lutem dilni publikisht dhe leni fajin atij që mos e merrni përgjegjësinë ju, kjo është. Qytetari do përgjigje kur ka mundësi të kryhet, njerëzit kanë nevojë që të ndërtojnë shtëpitë, lista poseduese nuk është e rregulluar, është pronën që e gëzon, i takon Komunës së Tharandës ose të Rahovecit, kështu që nuk ka mundësi të zgjidhë asnjë lloj problem, as ndërtimit, as shitbjerjes, kështu që ata donë zgjidhjen. Ju lutem që të kërkonin një përgjigje më saktësisht edhe nga Ministria në nivel qeveritar dhe dil me një përgjigje para qytetarëve apo a ka një afat, apo vyen 10-20 vjet, le ta dinë qytetarët që t'i bëjnë projektet e veta afatgjata për jetën e tyre. Faleminderit.

Senxhar Karamuço: Unë tregova që problemi është prej 1970-ës. Tash ju po qitni kohë aty të tjerat. Ata, njerëz janë duke mundur me shfrytëzuar që sa vite tash, kadal. T'u japi përgjigje tash, mirë.

Agim Muqaj (AAK): Drejtor sinqerisht, kjo nuk është asgjë, neve s'po na interesojnë vitet e 70-ta edhe para luftës edhe në kohën e Turkisë. Qytetarët duan zgjidhje nga mekanizmat Komunal dhe shtetëror, kjo është ajo çka kërkojnë qytetarët. S'jam duke të pyetur a janë në vitet e 70-ta apo 50-ta. Ju lutem, qytetarë, dojnë zgjidhje. Të lutem.

Senxhar Karamuço: Unë tregova, edhe unë s'jam ai njeri që fajësoj dikënd, pse s'po fajësoj qeverinë ato të tjerat? Kjo është problematika që duhet të zgjidhet edhe kemi me zgjidh. Tash a kryhet sot, a kryhet nesër ato të tjerat ne kemi vullnetin me bë zgjidhje. Na për qato paguhemi, ju çka doni mund me fol kanë të drejtë ato të tjerat. Për Selmanin, varrezat sipas kërkesës së banorëve ne kemi dalë terren. I kemi bërë inçizimin, e kemi qitë pikat, aty ka pas uzurpimet edhe ne s'jemi drejtorja që i rrënojmë muret ato të tjerat. Sipas teje, në qoftë se ka vullnet të mirë, besoj që me një procedurë shumë shkurt, të rrënohet ato muret edhe qitet pikat për varrezat. Ndoshta edhe drejtorja e Shërbime Publike mund të ndihmon për me rrethu ato të tjerat. Zgjidhje ka edhe besoj që do të bëhet, nëse ka vullnet në terren, nëse nuk ka, tani është tashmë drejtorja edhe e pronës që mund të zhvillojnë procedurat për uzurpim për largimin e ato mureve për të rrethuar ato varrezat. Faleminderit.

Simir Krasniqi (Kryesues): Faleminderit drejtor. Po, Agim Muqaj shkurt? Po kalojmë me drejtorët tjerë.

Agim Muqaj (AAK): Kryesues të lutem, shkurt po mundohemi me qenë, po jemi zë qytetarëve dhe mendoj se prezantojmë dikan edhe s'po mundem me i bajtë këto gjëra. Edhe ky drejtor mu përgjigj njëjtë sikur Albin Kurti që për natë, qet projekte për 100 vjet që nuk ka mundësi me realizu Kosova. 100 vjet hekurudhat deri në Sarandë që Kosova edhe buxheti i Ballkanit s'ka mundësi ndoshta me i pagu, edhe drejtori është duke më dhënë një përgjigje për 50 vjet a 100 vjet Zoti e di kur bëhet. Po dojna përgjigje konkrete, kryhet për një vjet, katër vjet. Këto janë të pakapshme për logjikën e njerëzve. Du afat drejtor, afat, një vjet, dy vjet, të lutem përgjigje konkrete që le ta dinë. Edhe Albin Kurti le të tregon cilin vit ka me i ndërtu autostradat e ato e hekurudhat për 100 vjet. Nuk shkon kështu.

Simir Krasniqi (Kryesues): Kalojmë në përgjigjen e drejtoreshës së arsimit se ka dhe aktivitete të tjera. Për ju fjala drejtoreshë Luljeta Veselaj Gutaj.

Luljeta Veselaj Gutaj: Faleminderit shumë kryesues, të nderuar kuvendarë, të nderuar kolegë drejtor, media, të gjithë ata të cilët e përcjellin seancën e kuvendit. Sa i përket pyetjes për javën Remzi Ademaj, kanë përfunduar të gjitha procedurat, është lidhur kontrata dhe jemi në proces të fillimit të javës Remzi Ademaj, do të njoftoheni në kohë. Pyetja e dytë për konkurset për bursa për studentë, veç se është shpallur konkursi për bursa për studentë. Sa i përket nxemjes qëndrore në fshatin Vlashnje, disa herë kemi biseduar edhe privatisht zoti Bislimaj, ne e kemi revidu, e kemi shtu edhe një pompë termike vitin e kaluar edhe në proces së tutje do të shohim mundësitë. Përtej asaj ju e dini gjendjen financiare dhe gjakderdhjen financiare që ka ndodhur në Komunën e Prizrenit. Andaj jemi të sfiduar në secilin segment për të operuar dhe vazhduar më tutje. Ne kemi pasur në planifikim një thirrje publike për revidimin e të gjitha problemeve me nxjerrjet qendrore, mirëpo në pamundësi dhe në mungesë të mjeteve që i ka marrë përmbaruesi nga kontrata kolektive, nuk kemi mundësi të hapim thirrje dhe të vazhdojmë më tutje. Megjithatë, në gjithë Evropën dhe gjitha vendet aty ku nuk ka mundësi dhe ka pengesa edhe komuniteti i prindërve dhe njerëzit vullnet të mirë japin nga pak mbështetje. Sa i përket, nuk qenka zonja Nerimane. Dafina, oborret e shkollave si çdo vit, mërgimtarët me nxi i presim edhe ne, kemi familjarë, kemi miq edhe si gjithmonë i kemi hapur dyert edhe të shtëpisë, edhe të shkollave dhe të gjithë me shumë kënaqësi për të gjithë ata që vijnë edhe i shijojnë pushimet në Kosovë. Jo, Nerimanja le të rrin jashtë s'është e interesuar.

Selman Sokolaj (LVV): Kryesues, nuk mora përgjigje te drejtoresha. A mundet me thënë drejtoresha nuk po dua me përgjigj edhe me na tregu për Arben Shalën, trikaxhini e Prizrenit. Personin që del çdo natë pin birra raki nëpër lokale të natës.

Simir Krasniqi (Kryesues): Shukri Quni e ka kërku fjalën.

Shukri Quni (BDP): Drejtoresha nuk bën me dal, sepse pyetja është shumë ishte e shkurtër edhe nuk është mirë me dal kur bëjmë ne këtu pyetje edhe i ngrejmë çështje, sepse për këto kemi ardhur ne këtu. Unë nuk hyra më herët kur e ngrita si çështje në historik. Unë kam këtu ish-drejtor të shkollave që kanë marrë pjesë në manifestim. Përgjigja ishte procedura është ka me u mbajt. Java

e Remzi Ademaj, fillojke në fakt me 28, 29, 30 maj. Po ka ndodh edhe me një, e dy, e tre qershor. Ditlindja e komandant Remzi Ademit është me tre qershor. Domethënë kjo nuk ka filluar ende. Për ilustrim juve patriotëve, që liria ka emër, kqyre Shukri Quni prej 2007-ës, liria ka emër, shiko kur i kam futur unë emblemën e Ushtrisë Çlirimtare të Kosovës në shkollat e Komunës së Prizrenit, shiko mirë. Këtu kam edhe nxënës që s'është tash, që ka marrë pjesë në këtë aktivitet edhe në këtë kuiz të diturisë. Vonë ju ka rënë në mend kur ka liria emër, disave. Po ky kuiz, ky manifestim është organizuar prej vitit 2002, kryesues, e di shumë mirë edhe tash nënkryetari Kujtim Gashi, po e dinë edhe shumë mirë edhe të tjerët. Shtatë vjet në opozitë këtë e kemi mbaj, në mënyrë ta quaj kështu ilegale, se ish drejtorie arsimit i ka kërcënuar dhe drejtorët mos me marrë pjesë në këtë manifestim. Po ka pas drejtor burra që kanë marrë pjesë, duke filluar prej drejtorit Zhurit Ismen Ajazaj, Selajdin Shabanaj. Tash do t'i hyjmë borxh disa drejtorëve që smund do t'i përmend të gjithë, po nuk janë frigu se kanë me i shkarku prej detyrës për me e marrë pjesë në këtë manifestim. Shumë mirë është i njoftuar edhe redaktori i Besës, patrioti, veprimtari Qazim Morina, që ka marrë pjesë dhe e ka përcjellë çdo aktivitet Qazim Thaçi më fal, se s'është problem se tash nuk jam duke fol vetvetja, është duke folur zemra tash. E me u qu drejtoresha veç një pyetje me ma dhënë që unë boll e kam pasur mërzi me e ngrit këtë çështje. Të gjithë e dinë, kurrë s'kam thënë jam themelues, vetë e kam themeluar. Ish-kryetari, profesor doktor Ramadan Muja e ka zyrtarizuar në këtë kuvend edhe e ka marrë nën organizimin ose patronatin e Kuvendit të Komunës së Prizrenit. E sot, mbas 24 viteve, mos me u organizu edhe me një përgjigje kaq të thjeshtë, unë e di që me ata nuk flas privatisht, zyrtarisht nuk ka qare pa fol, çdonjëri prej jush këtu. Zyrtarisht s'keni qare pa fol. Privatisht kërkujt në rrugë nuk i flas, hiç s'më intereson. Përgjigja është përgjigje! Kërkova pse nuk është mbaj, nesër ka pas me përfund ky manifestim. Me tërë atë angazhim që e kanë bërë kur kemi qenë në opozitë Partia Demokratike, ne e kemi organizuar me vetëfinancim këtë, mos i nënçmoni gjërat. Ka ra qekjo tu e keqpërdorur ju, sot mundohemi me i dhënë emër lirisë. Unë prej 2002-ës jam mundu këtë liri me e fut nëpër shkolla. Edhe me i eduku, me i arsimu të rinjtë, që sot mos me ardh kjo kohë e me i qit nëpër nëpër gjykësa ju shenjën e Ushtrisë Çlirimtare të Kosovës, se gjëja jeni bërë tash patriot mbas 20-të viteve. Unë e kërkoj prapë që manifestimi Java Remzi Ademaj shtigjeve të lirisë, amani ju qoftë mos më shtini më me bë një kërkesë të tillë. Me ngrit një çështje të tillë, s'ka nevojë. Edhe e dimë kur janë akuzuar njerëzit, nga individë të caktuar, për me ndal manifestimin javën Remzi Ademaj. Kanë shiku me i dënuar vetëm me i largu që ky manifestim mos me u organizu. Kur fillon manifestimi? Pyetja a do të mbahet? Procedurat gjithë kanë filluar në mars e në prill, edhe ushtrimet e nxënësve prej muajit prill i kemi filluar, maj, për me marrë pjesë se është kuiz i diturisë. Kështu e ka emrin Liria. Tek ata që s'keni punuar ju me ta. Te ato shkolla që i keni shkatërruar, i keni demolu në tërë anët. Nënkryetar, jeni i njohur rreth këtij problemi shumë edhe ish-organizatorët që i kanë çuar nëpër gjykata. Kërkoj përgjigje pse nuk është organizuar me datën e saktë. Nesër ka pas përmbyllje me u bë. Me 3 qershor gjithnjë është bërë mbyllja e manifestimit Java Remzi Ademaj. Nuk po hyj më tepër, se harrojnë njerëzit që kanë dhënë kontribut për këtë çështje.

Simir Krasniqi (Kryesues): Po fjala për ju nënkryetar i komunës zoti Kujtim Gashi.

Kujtim Gashi (Nënkryetar): Faleminderit kryesues. La Shuk po të them se gjithmonë kështu të kam thënë, edhe pse në fjalimet formale s'përdoren këto terma, megjithatë po kërkoj falje. Sido që të jetë, arsyeja pse festivali s'është mbajtur me kohë, një prej ngjarjeve më të mëdha për mua edhe kulturore edhe historike kisha me e quajt, është krejtësisht financiare. Sepse ne jemi të gjithë dëshmitarë që Komunës së Prizrenit deri në maj janë tërhequr nga buxheti 17 milionë euro dhe për me nisni një procedurë tenderuese, thirrje publike, çka do që lidhet me financa duhet me pasur një letër A4 zotim të mjeteve, qoftë edhe 50 euro qoftë edhe 100 euro, edhe 1000 euro, qato s'kanë qenë. E pa e bë atë zotimin, nuk mundesh me filluar procedurën, nuk ta lejon sistemi. Domethënë ti nuk mundesh në sistem me qit një thirrje publike ose një tender nëse që letra zotimin nuk e ke dhe nuk e kemi pasur. Përkundër kësaj, përkundër që jo vetëm Komuna e Prizrenit, po nja 70-80% të Komunave në Republikë të Kosovës janë në kolaps financiar edhe nëse kishin me qenë institucione, biznese, ato duhet me u mbyll, po meqë janë Komuna s'kanë qysh me u mbyll dhe duhet me funksionuar. Përndryshe, në aspektin financiar, Komuna e Prizrenit është kolaps dhe jo vetëm na si ekzekutiv, por edhe ju si kuvendarë edhe secili qytetar këtë vit duhet me ndihmuar maksimalisht Komunën e Prizrenit në të gjitha format. Nëse dojmë ky institucion që i shërben qytetarëve me qenë funksional. Dhe përkundër që mbi 90% të projekteve këtë vit nuk do të realizohen, megjithatë te pas parasysh që java e Remzi Ademit është prej ngjarjeve më të mëdha kulturore në Prizren, megjithatë ne e kemi filluar procedurën edhe sot e kemi nënshkruar procedurën për shpallje. Edhe e kemi siguruar një pjesë të mjeteve për me nis këtë projekt që është prej projekteve më të mëdha. Në anën tjetër, po flasim patë pyetje edhe për Kulturën që janë reduktuar financimi i disa projekteve, po është e vërtetë sepse ne sot kur po flasim kemi minusat të vitit të kaluar që s'janë financuar organizatat të cilat kanë fituar. Sepse s'mundesh me financuar nëse s'ke pare. Thjesht i ke në xhirollogari 500 euro, ti merr prej kredisë nuk ke asnjë cent me realizu një objektiv tonë edhe personale. Kështu funksionon edhe Komuna, nuk ka mjete në llogari. Edhe kjo është arsyeja pse sot nuk ka përfunduar Java Remzi Ademaj. Megjithatë, kjo do të mbahet, do të mbahet me vonesë. Përkundër që janë reduktuar shumë aktivitete të tjera kulturore, Java Remzi Ademit ka qenë, është dhe mbetet prioritet i qeverisë së PDK-së. Dhe po la Shukë për këtë projekt vlerësimet i ke maksimale, e ke nisur bashkë me dy-tre persona përkundër sfidave edhe ato që i përmende që kanë pasur tendenca me e pengu realizimin e këtij projekti shumë të madh. Sot ky projekt jetësohet edhe normal që edhe qeverisja jonë ka pasur merita që e ka formalizuar dhe e ka zyrtarizuar. Ka vonesa, por do të realizohet. Faleminderit.

Simir Krasniqi (Kryesues): Faleminderit nënkryetar. Fjala për ju drejtor i shërbimeve publike Islam Ukimeri.

Islam Ukimeri: Faleminderit kryesues, i nderuar nënkryetar, kolegë drejtor, të nderuar asambleistë, media dhe të gjithë të pranishëm. Të gjitha pyetjet që më janë bërë nga asambleistët do të mundohem për secilën t'ju kthej përgjigje me ato mundësitë dhe ato dijenitë që i kam në bazë të kërkesave që janë bërë. Shukri Quni më ka bërë dy pyetje. Realisht Shukri, unë edhe të shtunën ditë vikendi kam biseduar me ty për lidhje me pyetjet që ma ke bërë për murin mbrojtjen në Nashec edhe përkundër faktit që e shpjegoj edhe nënkryetari anën financiare të Komunës, unë e kam thirrur

operatorin dhe kam biseduar dhe kam kërkuar nga ai që të bëj të pamundurën dhe të bëj atë mur mbrojtës se është shumë i nevojshëm. Ndërsa te pyetja e dytë lidhur me ndotjen e rrugës në Nashec dhe lagjen Jeta e Re gropa skeptike, unë nuk jam i informuar për këtë rast, do ta shoh, do të bisedojmë edhe me inspektoriatin dhe zyrtarët e drejtorisë shërbime publike të dalin në terren të konstatojnë se çfarë ka problematika në atë vend. Në qoftëse është nevoja për ndonjë kanalizim që është metrazha e vogël, ne do të intervenojmë, po do të dalim në internet ta identifikojmë si problematikë këto raste, pasi që e thashë që më herët nuk ka pasur problem kjo rrugë me këto me këtë problematikë. Sevil Kazaz, më ka bërë një pyetje lagja Korilla, kanalizimi të vazhdohet, ne kemi intervenuar në lagjen Korilla me një kanalizim vitin e kaluar dhe besojmë që në qoftë se është edhe aty mundësia që të intervenohet për ndonjë pjesë të vogël do të intervenojmë, por nuk po dua për çdo për secilin asambleist t'ju them që siç e tha edhe nënkryetari anën buxhetore edhe kërkojmë edhe nga ju nga asambleista të gjithë pra një pavarësisht partieve politike që të gjitha kërkesat, unë e di që të gjithë qytetarët qoftë në qytet apo në fshatra kanë nevojë dhe kanë kërkesa që janë shumë të nevojshme dhe janë shumë të arsyeshme, por edhe ju duhet me na ndihmuar që për shkak anës financiare dhe mundësive buxhetore që kemi këtë vit të mirëkuptojmë dhe që mos bëjmë kërkesa t'ju drejtojmë drejt edhe qytetarëve që kërkesat janë shumë minimale dhe qka janë të domosdoshme, jo se ne e kuptojmë që është e nevojshme për secilën rrugë të intervenohet, por mundësitë buxhetore i kemi shumë të vogla. Në Dardani asfalti ende nuk ka vazhduar, mu ka bërë pyetja nga Sevili, po mu ka bërë me sa kuptova me disa asambleistë për në Dardani, ne veç kemi kontaktuar operatorin atje kanë qenë tre lote të kontraktuar në lagjen Dardania dy dhe besoj shumë shpejt që brenda këtij muaji do të vazhdoj të përfundon komplet asfaltimi në dy lotet e mbetura. Në Jeni Mahall veturat janë të parkuar të të largohen, është bërë kërkesa nga Sevili. Veturat, ne do të dalim në terren të konstatojmë që a do të ketë mundësi të bëjmë vija aty me shenjim, por në qoftë se veturat parkohen ka shenjë që është e ndalur ndalë edhe parkingu aty duhet të intervenojë policia, ne s'kemi çka i bëjmë si drejtori, po duhet policia të intervenojë. Meriton Gavazaj, lagja Gurisht e Masar Ferati, mungon infrastruktura. Po e vërtetë ne e dimë këtë rast jemi të informuar edhe vitet e kaluara edhe më herët, ka pasur problem kjo lagje me anë ka faktikisht ka probleme kontestore ligjore me gjykatë dhe ne kemi dalë disa herë në atë lagje dhe kemi parë që a kemi mundësi të intervenojmë në atë lagje, por për shkak të problemeve gjyqësore që i kanë pronësore aty nuk kemi mundësi, derisa të zgjidhet problemi gjyqësor nuk kemi mundësi të intervenojmë. Në momentin që i zgjidhen problemet gjyqësore ne do të vazhdojmë të intervenojmë se është shumë e nevojshme dhe shumë është një akt që është që duhet të intervenohet në atë lagje se ka shumë shtëpia dhe shumë banorë. Onur Kovac, dardania te parku ne kemi intervenuar në atë në atë pjesë te parku në Dardani dhe kemi bërë rregullimin dhe kemi pastruar dhe kemi bërë një intervenim. Ende nuk është përfunduar, do të përfundoj ka mbetë edhe një pjesë pa përfunduar. Janë të parapara dhe disa lojëra për fëmijë, jo shumë, po pak. Ndërsa sa i përket mbylljes, ne nuk do të kemi mundësi ta mbyllni, nuk lejohet të mbyllet ai park, është e vërtetë që ka pasur shumë kërkesa që të mbyllet ai park faktikisht me bërë një farë muri mbrojtës, po jo se e hupë edhe pamjen dhe është e pamundur, nuk do të mbyllet ai park. A lojra do të ketë, do të vazhdohet dhe pjesa tjetër të përfundoj. Në Ortokoll mungon parkingi, është e vërtetë që mungon, jemi shumë të

vetëdijshëm që mungon, por ne besojmë shumë shpejt që nga viti i ardhshëm do të planifikojmë një projekt në Ortokoll. Veç që jemi duke punuar në atë drejtim që të krijojmë mundësi të gjejmë edhe parkingun në Ortokoll. Sa i përket banesave që janë të rregullt të ndërtuara aty dhe ato oborret që kanë përpara, ne nuk mund t'i kurorëzojmë dhe t'i ndalojmë aty. Ato janë parking publik dhe secili që e parkon aty ai ka të drejtën e vetë të parkojë dhe nuk mund të intervenojmë aty. Ndërsa hapësirat publike që janë, jemi duke punuar në atë drejtim që të intervenojmë në Ortakoll, në lagjen Ortakoll, pasi është lagja më e madhe në Kosovë, dhe të krijojmë mundësi për parking dhe pjesë gjelbëruese aty. Nerimanja s'qenka këtu. Po pyetjen e Nerimanes mundem me dhënë përgjigjen, për shkak që është në lagjen Dardania dhe te rruga Nazim Kokollari. Mungojnë trotuaret, aty është duke vazhduar dhe besoj që brenda muajit do të përfundojnë edhe trotuaret edhe për te parku veç e dhashë përgjigjen edhe për Onurin, po e njëjta vlenë edhe për Nerimanen. Eldis, mu ke bërë pyetjen për asfaltimin e rrugës në Lubinje. Ai projekt është projekt i Ministrisë, nuk është projekt i Komunës, e di që është shumë rast i rëndë pasi që është gërry dhe ka mbetur ashtu i hapur dhe krijohet shumë telashe gjatë lëvizjes së automjeteve, po është projekt i Ministrisë dhe nuk kemi, ne si Komunë nuk kemi qasje fare në atë në atë projekt. Ilir Gashi, i ke bërë pyetjen për gropat në disa rrugë në qytet. Ne veç kemi filluar, janë duke punuar në terren, operatori ka urdhëresat të gjitha gropat që janë të hapura në të gjitha lagjet e qytetit është duke punuar edhe pse me intensitet pak më të ngadalshëm për shkak të anës financiare, por ne kemi dhënë urdhëresë se të gjitha rrugët faktikisht janë në qytet, të gjitha gropat të rregullohen, çka janë me asfalt të mbulohen veç ka marrë disa urdhëresa, veç është në terren duke punuar. Dhe më ke bërë pyetjen për lagjen 2 korriku. Tha edhe nënkryetari po e them edhe unë që ajo kontratë është nënshkruar vitin e kaluar, në lagjen 2 Korriku dhe afati asaj kontratës është deri në vitin 2027. Për shkak mjeteve financiare është ndalur ritmi i punës, është duke punuar por me një ritëm më të ngadalshëm dhe vetëm për shkak mjetet financiare, për shkak që mjetet janë marrë nga përmbaruesi dhe nuk po kemi mjete që t'i bëjmë presion edhe operatorit që të vazhdojë me punu, edhe pse i kam takuar personalisht dhe kam kërkuar që në qoftë se është hapur një rrugë mos të hapet një rrugë e gjatë, të hapet 100 m, që ajo 100 m përfundon, jo të hapet rrugë e gjatë edhe të lehet rruga e hapur për një kohë të gjatë edhe t'ia vështirësojë lëvizjen e qytetarëve dhe banorëve të asaj lagje, por besoj shumë shpejt që ai në ato pjesë ku e ka hapur do ta përfundojë dhe do të vazhdohet mbas mjeteve do të vazhdohet të përfundojë, do të i rregulloj edhe pse kontrata e ka deri në vitin 2027 është e vlefshme. Liridona, fshati në Vlashnje, tek Ura. Unë nuk jam i informuar për këtë rast, do ta nga ky moment do të urdhëroj të zyrtarët e mi të dalin, por është mirë të informohet edhe inspektoriati pasi që ka pengesa këtu si po e shoh unë që ka edhe bllokim të asaj rrugë dhe uzurpim. Unë besoj që duhet të informohet edhe inspektoriati edhe pse drejtoresha s'është këtu, por sa i përket kësaj qasjes, asaj urës aty, do dalin edhe zyrtarët e Drejtorisë së Shërbimeve Publike, por është mirë edhe inspektoriati të del në terren. Dafina Alishani, më është bërë pyetje në lidhje me sa kontrata keni për ndriçim. Ne kemi dy kontrata për ndriçim. Njëra është një linjë për linja të reja të ndriçimit dhe një tjetër që është nënshkruar para dy muaj është për mirëmbajtje dhe jeni të vetëdijshëm që në këto muajt e fundit ka përmirësim të ndriçimit të publik në qytet, nuk domethënë që s'ka përmirësim. E vërtetë që ka pasur ka pasur probleme në ndriçimin, por gradualisht është duke

punuar ekipi, por për shkak që ka pasur shumë probleme dhe janë tre ekipe në terren dhe është duke vazhduar. Ne kemi dhënë fokus të veçantë të lagjeve të qytetit, po edhe nëpër fshatra, por do të përfundon shumë shpejt në qytet, brenda pak muajve do të ketë në të gjitha lagjet e qytetit do të ketë ndriçim. Është duke punuar, ka pengesa për shkak sa e kuptova keq po bën si xixëllonja por është një problem te ndriçimi në disa lagje sa rrugë po është i gjatë po lypet me u vazhduar një farë aparati i veçantë ne e kemi bërë veç kërkesën në KEDS të rrit voltazhin e rrymës për me se bëj për shkak ngarkesa që është dhe një e kemi porositur na ka ardhur e kemi nënshkruar kontratën dhe e kemi bërë pagesën ka qenë pagesa e vogël po u presim shumë shpejt edhe në rrugë tjera ku ka kësi pengesa të intervenohet me atë aparat që të mos ketë pengesa për shkak ngarkesës, ndërsa lagjet tjera është duke punuar që të mbulohet komplet lagje të qytetit të ketë ndriçim. Nuk e di dikujt në qoftë se i kam mbetur borxh, Albanit mos gabosha, Albani ka pasur një kërkesë që ma ka bërë edhe më herët për tranzitin, për shpejtësinë. Albani e di që i ke ata, që i mëson ata nxënësit për patentë shofer, po mirë është me i mësuar me atë shpejtësinë që kemi të kufizuar e të vogël se me ia rritë shpejtësinë edhe fillestar, mund me pas telashe, por për shkak që ajo është unë kam biseduar edhe me zyrtarët e komunikacionit për shkak që ajo lagje është bërë shumë e banueshme dhe ka shumë ndërtesa dhe shumë banorë aty që janë ndërtuar banesat. Andaj është shumë e pamundur që të rritet shpejtësia. Edhe pse edhe mua më pengon personalisht. Por jemi duke këqyrë me bë një zgjidhje që më së paku për një 10 km në orë. Por ato jemi duke pritur përgjigjen nga ekspertët e komunikacionit, deri sa na ktheni përgjigjen, e kemi bërë kërkesën zyrtarisht na njofton se si është e mundur të rritet 10 km në orë, por më mirë është më kadalë se jo shpejt. Dikush që i kam mbet borxh që kam harruar me shënuar mirë me ma thënë.

Petrit Hoxhaj (GUXO): Rreth kësaj shtëpisë së bardhë, do të thotë mbrapa, në oborrin të shtëpisë së bardhë është krijuar do të thotë një deponi. Me të vërtetë është jo dhe e hijshme sepse, sepse ndriçimit publik veç janë duke i paluar aty. Do të thotë kanë mbetur edhe disa makina të vjetra të Komunës. A ka mundësi që me u pastru ky oborri i kësaj shtëpisë, sepse vetë pamja kur vijnë delegacione të huaja dhe e shohin gjendjen se qysh është si oborri i Komunës, kishte me qenë mirë që të pastrohet, sepse shpesh herë edhe njerëz po thonë ka fillu me u bërë sikur këto bizneset që merren me hekra, shporeta, lavatriqe, thjesht gjithçka është tu palu do thotë në këtë mbrapa kësaj, ish kanë mirë që të pastrohet dhe të krijohet mundësia edhe e parkingjeve të cilat vijnë vizitorët ose edhe ne kuvendarët që vijmë në këtë seancë. Faleminderit.

Islam Ukimeri: Faleminderit Petrit. Po më vjen mirë që e the se këto shtyllat e ndriçimit që po vijnë që po punohen realisht nëpër lagje të qytetit dhe nëpër fshatra që po i qesim të reja, po i vendosim këto të vjetra këto, po më vjen mirë që e the. Po është e vërtetë veç jemi në proces dhe jemi në përfundim të asaj, edhe pse nuk është në dikasterin tim, por po jap përgjigje se jam i njoftuar. Jemi në përfundim të procesit që të gjitha ato që janë të panevojshme do të largohen nga mbrapa oborrit të shtëpisë bardhë që është dhe shumë shpejt do të përfundon dhe do të pastrohet ajo pjesë. Faleminderit. Mos gabofsha mbetja e borxhit dhe Dafinës për veturat edhe pse unë te inspektorati por po ja kthej përgjigjen, mbrapa shtëpisë së bardhë parkingu. Po ne veç duhet edhe inspektorati të njoftohet edhe ka shumë vetura që janë edhe të njerëzve që nuk banojnë fare kanë

lënë me vite të tëra aty apo me muj të tëra aty. Është mirë sa më shpejt të intervenohet, po unë do të rekomandoj edhe inspektoratin që të del dhe të inspektojë dhe t'ju urdhëroj se sa më shpejt të lihet i lirë ai parking mbrapa shtëpisë së bardhë. Faleminderit.

Simir Krasniqi (Kryesues): Faleminderit drejtor, fjala për ju drejtor i urbanizmit Florent Ukaj.

Florent Ukaj: Faleminderit kryesues, deshta me përgjigj pyetjes së Ilir Gashit për lidhje me lejen e stadiumit të Lirisë. Ne e kemi lëshuar njoftimin për plotësim të dokumentacionit dhe jemi në pritje të që ai dokumentacion të na kompletoj. Në momentin që na vijnë dokumentet ne jemi të gatshëm, jemi në koordinim edhe me ministrinë e kulturës që sa më shpejt ta bëjmë një zgjidhje dhe ta japim atë leje. Po normal që pa i pas disa pëlqime nuk mundemi. Ndërsa për Alban Bislimaj, e ftoj që nesër të vijë në zyrë edhe ta diskutojmë se pasi është një çështje pak më e ndërlikuar. Faleminderit.

Simir Krasniqi (Kryesues): Faleminderit drejtor. Fjala për ju drejtor i shëndetësisë Sylejman Baxhaku.

Sylejman Baxhaku: Faleminderit kryesues. Referuar kërkesës së shqetësimit të Liridonës, lidhur me mungesën e reagentave për realizimin e hormoneve, tash po flas me gjuhën e popullit, reagentave që realizohen për konstatimin e nivelit të sheqerit në gjak në tre mujor, është e vërtetë që mungon. Kjo krejt lidhet pa dashur me u stërzgatur me mungesën e fondeve, s'kemi mundur as me siguru mjete, po as me siguruar një fond prej nga mund me bë pagesën në këtë moment. Ka pasur vonesa, por kjo do të realizohet shumë shpejt, ndoshta për tre-katër ditë. Gjithashtu, këtu duhet me cek ose me bë të ditur se ne kemi përveç asaj do t'i sigurojmë edhe disa glukometra që quhen, të cilat kjo deri në moshën 18-vjeçare do t'i sigurojë fëmijëve matjen e sheqerit në gjak në 24 orë, me një sistem digjital që do t'i informojë përveç personave që vuajnë nga ky problematik, përkatësisht fëmijëve edhe prindërit e tyre 24 orë për nivelin e sheqerit në gjak të këtyre fëmijëve. Kjo përveç që do ta lehtësoj kujdesin për fëmijët nga ana e prindërve, kjo do t'i krijoj natyrisht komoditet edhe këtyre fëmijëve, sepse nuk do të kenë këta nevojë pastaj edhe për analizat tre mujore, se kjo do ta kalkulojë automatikisht çdo tre muaj nivelin e sheqerit në gjak. Natyrisht kjo do të kufizohet për fëmijët deri në moshën 18 vjeçare, për shkak se është e pamundur me i furnizuar të gjithë për shkak të kostos së lartë. Këtu duhet me falënderu kryetarin e Komunës tek i cili kam hasur mirëkuptim për realizimin e këtij projekti sepse do të jemi një prej Komunave të para, jo një por Komuna e parë që do të realizojmë këtë projekt, është shumë i rëndësishëm natyrisht. Ndërsa referuar kërkesës së zonjushës Dafina për papastërtinë në institucionet dhe përreth tyre natyrisht e gjitha kjo prapë lidhet me mungesën e fondeve dhe pamundësinë për t'u furnizuar me pajisjet dhe materialin e nevojshëm shpenzues. Natyrisht nuk e arsyeton kjo, por është një ana prej e shkaqeve. Me aq sa kemi mundësi ne do të bëjmë të gjithëka duhet për me mbajtë nivelin e pastërtisë në institucion dhe përreth. Natyrisht përreth institucionit i kemi vërejtur disa parregullsi, i kemi diskutuar edhe me drejtorin e Ekoregjionit. Natyrisht edhe me një kompani e cila do të na ndërtojë një deponi të mbyllur ku do t'i fusim kontejnerët. Kjo do ta pengojë përhapjen e mbeturinave përreth QKMF-së dhe do ta pengojë derdhjen e mbeturinave nga banorët përreth dhe lagjeve

përreth që nuk i takojnë asaj zone. Shpresoj që ju kam dhënë përgjigje të mjaftueshme. Faleminderit shumë.

Simir Krasniqi (Kryesues): Faleminderit drejtor. Fjala për ju, drejtoresha e Kulturës, Ailin Shishko.

Ajlin Shishko: Faleminderit kryesues. I kam dy çështje që është ngritur për mënyrën e shpërndarjes të subvencioneve nga Ilir Gashi dhe Shukri Quni. Dua të theksoj se drejtoria nuk ka bërë përzgjedhje individuale ose politike. Përgjegjësia ime ka qenë të sigurojë zhvillimin e procesit sipas procedurave ligjore dhe administrative, ndërsa pikëzimi dhe vlerësimi është bërë nga ana e komisionit. Siç e ceku edhe kryetari, Prizreni është një ndër Komunat më të dëmtuara nga ana e buxhetit. Pavarësisht shumë kërkesave të shumta që i ka pasur Drejtoria për Kulturë, Rini dhe Sport, është punuar me një buxhet shumë të reduktuar dhe shumë të kufizuar në krahasim me vitet e mëparshme. Dhe kjo ka qenë arsyeja pse disa organizata dhe klube nuk është mundur me u financu edhe pse projektet e tyre kanë qenë cilësore. Një pyetje e kam prej Mergiton Gavazaj për shtëpinë e Kulturës në Zhur, aty ka mbetur vetëm lidhja e rrymës, ne kërkesën e kemi drejtuar te KEDS-i jemi në procesin e marrjes një përgjigje nga institucioni. E kam një pyetje nga Sevil Kazaz. Sayın Sevil Kazaz, Prizren Türk Kültür Merkeziyle ilgili olarak Müdürlük görevini devraldığımızda... proje sözleşmesi yöneticisi yoktu çünkü önceki sözleşme yöneticisi görevinden istifa etmişti. Bu nedenle proje süreci durmuş ve ilerleme sağlanamamıştı, projenin devamını sağlamak ve süreci yeniden işler hale getirmek amacıyla yeni sözleşme yöneticisinin seçimi için gerekli işlemleri başlattık. Halen bu süreç devam etmekte olup projeyi en profesyonel ve en verimli şekilde yönetecek kişiyi belirlemek için yürürlükteki mevzuat ve prosedürlere uygun olarak çalışmalarımızı sürdürmekteyiz. Saygılarımla.

Simir Krasniqi (Kryesues): Faleminderit drejtoreshë. Po fjala për ju Shukri Quni.

Shukri Quni (BDP): Ti drejtoreshë, ti je organi më i lartë aty në atë zyrën ku je ti aty. Ne bëjmë aty kërkesa edhe këtu janë ato që ata nuk i realizojnë, ne këtu me t'i thënë ty. Për politikisht unë vjet vitin e kaluar nuk kam marrë subvencion, e di unë atë. Po unë e thashë se ishte ai drejtori këtu. Atij i kam bërë mirë, por ty s'po di se ty s'të kam bërë mirë hiç. Ty s'ka pasur nevojë me na ndarë neve. E di që e ke komisionin por unë po kërkoj ajo që më takon mua. I takon atij, asaj shoqërie kulturore artistike i takon me ligj ajo. Edhe dëgjo çfarë po të them, po të flas sikur vajzës time, respekto detyrën që e ke marrë. Ne këto përkthyesi i kemi për ata që nuk dinë shqip edhe flasin edhe boshnjakisht edhe turqisht. Ai që di në shqip ne nuk kemi nevojë këtu me i vnu, mos e keqpërdorë detyrën. Shumë mirë e dinë zonja atje, që ajo ku të flet unë menjëherë e vë këtu dëgjuesin për me marrë vesh çka po thotë. Mos se jeni tu e tepru, të reja jeni hala duhet me u mbush me dije. Kritikati kur t'ia japim, merrni kritikati. Ju kam dhënë unë edhe këtyre djemve të rinj të PDK-së shumë kritika. Se keni me u pendu dikur, pendohesh dikur por vonë është atëherë. Me ligj janë këto të garantuar gjuha këtu në asamble, secili e flet gjuhën e vet. Ti në rast se je me kombësi turke atëherë më fal, të kërkoj falje.

Ajlin Shishko: Unë me kombësi turke nuk jam, unë jam shqiptare. Sa i përket ligjit, ligji e parashe dhe mënyrën e shprehjes. Unë mund me u shpreh si të du.

Simir Krasniqi (Kryesues): Fjala, fjala për ju Ilir Gashi.

Ilir Gashi (LVV): Drejtoresh vetëm të qartësohemi, do të thotë ka pare me subvencionu festivalin që e ka nxit kryetari të muzikës dhe nuk ka pare për me organizu edicionin e 18 të Panairit të Librit. A është kjo përgjigja juaj, apo?

Ajlin Shishko: Unë e thashë edhe më herët, vlerësimi është bërë nga ana e komisionit. Komisioni është marrë me pikëzimin edhe rekomandimin e projekteve.

Ilir Gashi (LVV): Atëherë, ... subvencion për festivalin muzikor të kryetarit. Me pas këtu e ke shkelje të ligjit me dy këmbë, me dy duar, me krye, me vesh, me krejt e ke. Po nuk i hin...

Simir Krasniqi (Kryesues): Faleminderit drejtoreshë për përgjigjen. Fjala për ju drejtori i bujqësisë Nderim Kadriaj.

Nderim Kadriaj: Përshëndetje për të gjithë, përshëndetje për qytetarët që po na ndjekin. Sa i përket pyetjes së kuvendarit Shukri Quni për dezinfektimin dhe deratizimin e lumit në Nashec. Jemi në fazën e formimit të komisionit domethënë në kuadër të zyrës së prokurimit për vlerësimin e ofertuesëve dhe në moment që përzgjidhet ofertuesi unë i premtoj Shukri Quni që bashkë kemi me dalë me ndjekur prej afër deratizimin dhe dezinfektimin e lumit në fshatin Nashec. Sa i përket strehimores së qenve endacak, ndoshta është përgjigja e tretë ose e katërta që jam duke e dhënë të njëjtën, po garant kur po i shtjerrën pyetjet të kuvendarëve domethënë po drejtohen direkt. Strehimorja e qenve pritet me përfundu këtë vit. Inshallah gjërat shkojnë në rregull në bazë qysh e kemi planifikuar dhe Prizreni do ta ketë strehimoren për qentë. Respekt.

Simir Krasniqi (Kryesues): Faleminderit drejtor. Atëherë, a doni pauzë apo të vazhdojmë menjëherë? Pika që është me renditje është shtjerrë debati. Mundësisht ta kryejmë edhe këtë pikën, i lirojmë edhe këta zyrtarët e shërbime publike. Vazhdojmë apo?

Dafina Alishani (LVV): Kryesues, ju thatë që kjo është pikë e re.

Simir Krasniqi (Kryesues): Pikë e re është.

Dafina Alishani (LVV): Po tash po thoni që është shtjerrë debati. A po koncentrohemi ju lutem? A është pikë e re apo jo? A bën me marrë pauzë? Pas pauzës shihemi edhe diskutojmë.

Simir Krasniqi (Kryesues): Na mund t'i pyesim këtu se kanë edhe obligime, janë në fushatë shumica, për ato po i pyes. Atëherë e hedhim në votim sa jemi që të vazhdojmë me pikat e radhës të rendit të ditës. 17 janë për, kundër? Atëherë nuk ka kundër, vazhdojmë me pikën e rendit.

Dafina Alishani (LVV): Veç pak kryesues, rendin e ditës ne e votuam apo jo? Çka është tash ky votimi ekstra? Pse keqpërdor pozitën që e ke? Nëse do me pas bashkëpunim i thirr si qysh është

tradicionalisht i fton shefat e grupeve pesë minuta ja merr deklaratat e atyre edhe vazhdon çka është kjo me shti në rend ditën një send që nuk është.

Simir Krasniqi (Kryesues): Dëgjo Dafina, koncentroju pak. Shumica janë të angazhuar në fushatë. A dojnë me vazhdu që na mundet.

Dafina Alishani (LVV): Po ju me pas menduar fushatën, nuk i kishit vendosur këtë seancë bash disa ditë para.

Simir Krasniqi (Kryesues): Ajo është çështja e jemja se qysh e mendoj ti s'ke çka...

Dafina Alishani (LVV): Është çështja e juaj por duhet me pas konsideratë për të gjithë ata që garojnë edhe që i kanë obligime të tjera. Me pas pas. Po e keni hallin tjetër ka, vazhdoni, po ju lutem mos keqpërdorni pozitën. Rend i ditës është votuar.

Simir Krasniqi (Kryesues): Mirë, vazhdojmë.

Shqyrtimi dhe miratimi i propozim-vendimit për subvencionimin e transportit urban.

A ka diskutime këtu? Po, fjala për ju Agim Muqaj.

Agim Muqaj (AAK): Pikërisht për këtë pikë kam ardhur dhe si ta kryej heci. Kryesues, unë edhe herën e kalume sigurisht se kam qenë pro kësaj pike me një vërejtje të caktume, po veç një kisha dashur paraprakisht para se ta votoj, atë vërejtjen që kam pasur herën e kalume, kërkoj që ajo vërejtje të mirret serioze, që mbrenda një afati shumë të shkurt të futen edhe fshatrat aty në atë subvencionim, e di që është benefi i gjithë qytetarëve, por një send po ju garantoj, në rast se vitin e ardhshëm nuk kryhet kjo punë me një premtim që do të jetë, po të betohem që me plot qytetarë ka me blloku komplet qytetin. Me votu do ta votoj.

Simir Krasniqi (Kryesues): Fjala për ju nënkryetari i komunës.

Kujtim Gashi (Nënkryetar): Faleminderit. Vetëm ta qartësojmë këtë kërkesën se e kishit pas edhe në seancën e kalume. Në fakt kërkesa dhe është legjitime Agim, po duhet me bë një analizë më e thukët, për shkak se janë 74 fshatra, operojnë dhjetra kompani të ndryshme nëpër fshatra edhe ajo që është më e rëndësishme, aktualisht Komuna nuk ka kapacitete buxhetore me mbulu dhe atë pjesë të fshatrave. Edhe një send tjetër që është po mendoj i rëndësishëm, është fakti që kompanitë kryesisht nëpër lokalitete urbane funksionojnë edhe me fitime domethënë kompanitë që janë jashtë qytetit. Kurse kompanitë që operojnë brenda qytetit jo vetëm te ne, por edhe në secilën qytet të Kosovës, madje edhe në shumë qytete të Evropës operojnë me humbje dhe shumë qytete e shtete sot janë detyru me i financuar trafikun brenda qytetit për me krijuar një mundësi më të madhe që qytetarët mos me përdor vetura por me përdorur autobusë më shumë, sidomos në periudhën e sezonit kur jemi të gjithë dëshmitarë që po bëhet kaos urbanistik, jo kaos trafiku. Kështu që për më vonë besoj që do ta shqyrtojmë se ky vendim nuk është prej betoni mundet me

ndryshu sa herë që ka ide më të mira edhe sa herë që ka mundësi të tjera financiare. Po për këtë fazë domethënë është vetëm kjo mundësi.

Agim Muqaj (AAK): Veç një sekond të lutem se me të vërtetë që kjo më vonë mua s'më pëlqen shumë. Kam qef pak më konkret me qenë dhe në pyetje dhe në përgjigje. Pro jam edhe po më vjen shumë mirë kjo iniciativë është shumë e mirëseardhur që po bëhet edhe me kënaqësi do ta votoj. Mirëpo sikur që e ceka, të lutem jo më vonë, vitët e ardhshëm mbas dy viteve a ka planifikim Komuna e Prizrenit? Edhe sigurisht se ne sot e kuptuam edhe e kam kuptuar prej shumë kolegëve të Komunave të tjera që të gjitha këto Komunat që nuk i udhëheq Vetëvendosje janë në kolaps nga bllokimi i qeverisë. Për këtë jam i vetëdijshëm dhe nga informata shumë burimore për atë i thashë edhe më herët se nuk do të kam kërkesa të cilat janë me para të mëdhaja. Në mirëkuptim, sigurisht se pasi të rregullohet kjo gjendje do të jem këtu edhe do ta ngris zërin sa herë që ka nevojë. Mirëpo, kërkoj a ka afat që edhe fshatrat përreth sidomos nëpër ato fshatra që janë me vendbanime të mëdhaja, kanë shumë punësime, shumë studenta, që të ketë një afat të lutem nënkryetar, dua përgjigje të saktë mbas një viti, mbas dy viteve. Por në momentin që dhe ta jepni një afat, sikur që e thashë, do ta bllokoj qytetin në rast se nuk realizohet.

Kujtim Gashi (Nënkryetar): Faleminderit Agim. Disponimi dhe vullneti i Komunës është për me realizu këtë propozim të juaj, sepse është edhe ide dhe propozim i joni. Për vitin 2026 edhe 2027 kjo punë nuk bëhet, për shkak të mungesës së mjeteve financiare në 2028 nëse ka stabilitet financiar në komunë, gjithçka vjen në binare të vet, përfundon pjesa e kontratës kolektive dhe procedurat përmbarimore edhe normal komuna fillon me një buxhet të ri, pse jo, është e mirëseardhur në bashkëpunim edhe me kompanitë, sepse unë besoj që kosto e këtij projekti nuk është shumë e madhe nëse Komuna do të kishte stabilitet edhe do të funksiononte normalisht, por tash jemi të funksionu në gjendje të jashtëzakonshme.

Simir Krasniqi (Kryesues): Faleminderit nënkryetar. Fjala për ju Shukri Quni.

Shukri Quni (BDP): Faleminderit kryesues. Nënkryetar, me një anë thoni nuk kemi buxhet. Në anën tjetër kërkon me u votu kjo edhe kjo do pare pa buxhet edhe kjo nuk bëhet. Thashë s'po di ka po i merrni këtë buxhet edhe ka po do me u rregullu kjo punë kaq shpejt. Unë propozova atë ditë, thashë që le të hyjë edhe një nen, që le të përfshihen edhe viset rurale. Mos t'ju them fshatarë se shumë juve, më falni ti, po shumë këtu, këta të shërit neve, na ka pas thënë njëri këtu në këtë farë kuvendi. Këta hiq po e din që na kanë thënë edhe më herët, që hyni deri në ora 4:00 edhe hecni ju. Po, ne i kemi parë këta dhe në vitet e 90-ta kush janë. Që kanë bashkëpunu me atë armik që kemi luftuar ne kundër tij. Ne i kemi parë këta dhe kur kanë punu këta dhe me masa të dhunshme. E neve na kanë larguar prej pune. Se dikujt duhet me i bërtit se nuk o ka merrë vesh shqip. A i venë ato me dëgju apo jo nuk e di. Unë a di çfarë kisha propozu? Masi jam fshatarë, se katundarët i kemi pru në sheher. Me na qit një taks ka 10 euro për me hy në Prizren, sinqerisht e kam edhe në rast se është... t'i quaj burra tash këta të pozitës, e kishin votu edhe ata edhe kjo me hy aty që çdo qytetar që vjen, jo me ja pagu katundarëve biletën, po me ja qit taksa edhe 10 euro me i thënë që ti kur të vjen në Prizren paguaj edhe këtë taksë. Kështu janë duke lyp këta, ka vdekur ajo kohë. Ky

kuvend ku janë duke fol këta këtu, ky i ka themelet në gjak. Nuk na kanë krijuar këta ish pushtetarët, ish bashkëpunëtorët e udbasht. Ky kuvend është bërë me gjak, ky shtet jo me luajt këtu. Secilit i garantohet e drejta me ligj, kush e ndin veten që është në atë a është shqiptare, a është turke, a është boshnjaka, a çka do qoftë të gjithë i kanë të garantuar me ligj. Unë kam qenë kundër kësaj, prapë jam. Nuk ka nevojë me shku populli jonë në raste sociale, me ju pague shpenzimet e udhëtimit. Ka nevojë i kemi cekur ata, njerzit që janë me aftësi të kufizuar, pensionerët, njerëz që jetojnë me social, ata që nuk i kanë kushtet, ata që i kanë kushtet nuk ka nevojë me ju pagu atyre bileta. Ne duhet me ju siguru punë, me ju kriju kushtet, me pas rrogën e mirë, ai e nxjerr biletën vet. E jo ne me shkue nga fukarallëki. Ne jemi tu i pri fukarallëkit. Unë jam gjeneratë që kam punuar në vitet 90-ta pa asnjë cent hiç. E di në Kujtim se nxënës të kam pasur, s'ke harruar ndoshta. Edhe nuk kemi ra në raste sociale, kemi qëndruar. Deri kur ka ardhur që kjo kohë sot. Doni me na kthyer në ato gjendje të cilat as nuk bën me i mendu në ato. Populli duhet me ec përpara, jo me kësi far subvencione. Duhet na me ec me projekte të mëdha. Keni me u pendu po ju tregoj, sidomos do kolegë këtu që po votojnë pa e ditë kanë njëherë edhe për çka. Më vjen më vjen keq që po ju them, e din por politika e detyron. Unë kam dalë të gjithë edhe kundër politikës kur s'ka qenë e drejtë edhe kur s'ka qenë në interes të qytetarit. E kur është interesa personave, ose interesa klanore dora ime nuk ngritet. Kjo nuk është në interes të qytetarit edhe ju kam thënë edhe në Komitet për Politikë e Financa, edhe sot edhe mbledhjen e kaluar, unë nuk kam votë për këtë. Kurrë mos të më voton kërkush pse unë nuk e votoj këtë pikë. Sepse mbesin edhe njerëz të tjerë me këto, mbesin edhe shumica pa punë.

Simir Krasniqi (Kryesues): Kalohet në proces të votimit. Sa jemi prezent? 24 jemi prezent kemi kuorumin. Sa jemi për? 22 për. Kundër? 2 kundër, Abstenim? Nuk ka. Atëherë miratohet pra pika e rendit të ditës shqyrtimi dhe miratimi i propozimit vendimit për subvencionimin e transportit urban.

Kalojmë te pika e radhës. Po vazhdojmë edhe këtë pikë edhe vazhdojmë te pika e pestë.

Shqyrtimi dhe miratimi i draft rregullore për menaxhimin e mbeturinave në Komunën e Prizrenit.

E ftojme iniciuesin e pikës që ta bëjë prezantimin e rregullore apo drejtori i shërbimeve publike. Mirë, fjala për ju.

Muhamet Bajrami (Zyrtar i Dshp): Faleminderit kryesues. Përshëndetje për të gjithë. Sot jam këtu para jush për të bërë prezantimin e rregullore për menaxhimin e mbeturinave, procedurat e ndjekura dhe respektimin e ligjeve për hartimin e kësaj rregullore. Domethënë ky proces ka filluar me marrjen e vendimit prej kryetarit për formimin e grupit punues për hartim të kësaj rregullore, ku përfaqësuesit e këtij grupi kanë qenë Drejtorisë Shërbime Publike, Drejtorive të tjera të Komunës Prizrenit, Shoqërisë Civile dhe Kompanisë Shërbyese të Grumbullimit të Mbeturinave. Pas marrjes së vendimit është bërë hartimi i draftit dhe memorandumit shpjegues, ku Komuna ka hapur konsultimin publik nga data 27.04.2026 deri me datën 12.05.2026 në përputhje

me ligjet për vetëqeverisjen lokale. Njëftimi publik është publikuar në web-faqen e Komunës së Prizrenit, në platformën e konsultimeve publike dhe në rrjete të tjera sociale, ku ka pranuar vërejtjet dhe komentet të qytetarëve në lidhje me këtë rregullore. Ndërsa takimi publik me qytetarët është mbajtur këtu në këtë sallë me datën 5/5/2026 dhe ku ka pasur diskutime, kërkesa, komente prej qytetarëve dhe përfaqësuesve të bashkësive lokale. Kjo rregullore rregullon dhe përcakton mënyrën e sistemit të menaxhimit të mbeturinave, grumbullimit, të shërbimit, transportit edhe deponimit final të mbeturinave, si dhe përcakton menaxhimin e sistemit. Me këtë rregullore menaxhimi i mbeturinave kalon prej Komunës tek kompania shërbyese, e cila do të marrë përgjegjësitë për shërbim dhe inkasim të të mjeteve. Këto janë pika të shkurta, prezantimi i kësaj rregullore. Faleminderit për vëmendjen. Materialin e keni pasur me siguri e keni lexuar. Faleminderit.

Simir Krasniqi (Kryesues): Faleminderit. A kemi ndonjë pyetje prej kuvendarëve? Po, fjala për ju Arianit Berisha. Mund të ulesh këtu.

Arianit Berisha (PDK): Më shumë koment se pyetje. Fillimisht e kuptojmë nevojën e kësaj kërkesë, duke pasur parasysh rritjen e çmimeve në të gjitha sferat, mirëpo kjo rritje e çmimeve padyshim që reflekton edhe te punëtorët e kësaj kompanie, të cilët me plot gojë e them që janë heronjtë e ditëve të sotme, për shkak se është një punë që jo çdokush mundet me bë. Prandaj, po dua me shfrytëzu rastin që përmes foltores së kuvendit, me i falenderu për kontributin e tyre, për punën e jashtëzakonshme që e bëjnë për pastërtinë që e jetojmë secili prej nesh dhe gjithashtu me kërku nga bordi dhe nga kryeshefi përveç lëvdatave, përgëzimeve, për punën që e bëjnë në menaxhimin e kësaj kompanie, me kërku që kjo rritje e çmimit të inkasimit të reflektojë drejtpërdrejtë edhe në rritjen e pagave të punëtorëve për shkak se në bazë të informatave nga kolegë, nga shokë që kemi ata janë goxha me punojnë me paga të ulëta dhe e bëjnë një punë shumë fisnike. Faleminderit.

Simir Krasniqi (Kryesues): Faleminderit Arianit. Fjala për ju Haziz Hodaj.

Haziz Hodaj (LDK): Faleminderit kryesues. Përshëndetje për ju, për drejtorët, për anëtarët e Kuvendit, media këtu. Pak më parë ne votuam një subvencionim disa kategori, ndërkohë derisa debatohej për subvencionimin e trafikut urban edhe në mbledhjen e parë, por edhe në mbledhjen e fundit të Komitetit për Politikë e Financa, lindi kërkesa që të futen në kategori të subvencionimeve edhe punëtorët e ekoregjionit. Sot na vjen një vendim këtu për me i rritur çmimet. Unë personalisht po më duket u kërkuar edhe nga të tjerët që sot në këtë seancë, kur po debatohet për rritjen e çmimeve, për punën që po bën ekoregjioni do të duhej të ishte prezent një përfaqësues i ekoregjionit këtu dhe të merrte disa zotime konform kërkesave tona. Unë po pajtohem plotësisht sepse kërkesa është e atillë sikurse Arianiti që e bëri, nuk do të duhej me u ndie mirë as Drejtoria e Shërbimeve Publike, e posaçërisht menaxhmenti i Ekoregjionit, kur në seancën të kuvendit kërkohet që punëtorët të tij të futen në kategori sociale për subvencionim si kategori të ndryshme të rangut social në Komunën e Prizrenit. Andaj ne sigurisht që do ta votojmë sepse jemi të vetëdijshëm për koston, për rritjen e çmimeve, në të gjitha sferat, në të gjitha lëmitë.

Natyrisht edhe ata kanë nevojë për me i rritur këto çmime, mirëpo do duhej që me u zotuar para nesh, para qytetarëve të Prizrenit që edhe ata duhet të jenë kategori sepse po kryejnë shërbime realisht jemi të kënaqur me me shërbimet që i kryen. Këtë e kam thënë edhe një ndër seancat e kalume, por edhe punëtorët duhet të jenë të kënaqur me menaxhmentin apo me vendimet që i marrim ne. Faleminderit.

Simir Krasniqi (Kryesues): Faleminderit Haziz, fjala për ju Shukri Quni.

Shukri Quni (BDP): Faleminderit kryesues. Ne edhe në Komitet për Politikë e Financa punëtorët e ekoregjionit ju kemi dhënë lavdata, i kemi përgëzuar për punën që e bëjnë por para si kemi dhënë. Se ata janë të nevojshëm për rroga, atë e di. Edhe me ju rrit pagesa është shumë mirë. Po edhe atë propozim që e dha kolegu Haziz Hodaj edhe është shumë mirë që ata duhet me u përfshi, që ata duhet me u përfshi për me ja siguru udhëtimin. Po unë ku nuk u pajtova në mbledhje për Komitet për Politikë dhe Financa, te pagesa, pse pagesa me u heq tash nga kuvendi komunal e me kalu me kry këtë punë e ekoregjioni. Një gjë të tillë e ka bërë dhe hidroregjioni, e kam thashë fjalën edhe hidroregjioni jugor e ka pasur me diftesa shtëpi për shtëpi. Po kur mbërrinin paret atje, nuk u dinte. Andaj, ne kemi bërë pagesë në kuvend komunal. Pagesa është bërë për tërë vitin, 66 euro edhe ke paguar një euro posta që është aty e ke kryer. Tani nuk ka me qenë kështu. Tani s'ka me qenë kështu. Qytetarët që e kanë pasur më lehtë, le ta rrit, le ta bënë 7.50 nuk ka problem. Po kisha lënë unë pagesën me e bë prapë në kuvend komunal. Jo me shkuar pagesa, sepse edhe hidroregjioni jugor e ka pasur kështu, po shiqo tash taksat ku i ka shti e hidroregjioni jugor. E ka shti taksën, domethënë metri kub i ujit është 57 cent. 19 cent e paguan qytetari për kanalizimin. Pastaj është një tarifë tash çfarë po di çfarë është kjo, plus është TVSH-ja, domethënë krejta qetu hynë, ne jemi tu ngarku qytetarin. Rriteni pagesën, po ta bëjmë ne pagesën në kuvend komunal se besoj që kurgjë s'prish kjo punë hiç. Unë qytetarin nuk e shoh që ne po e lehtësojmë me këtë. Se e nesër ajo kompani krej këto ti qet ai nuk guxon ai ty pa t'i qit këto në fakturë. Patjetër kam me i qit. E qytetarët këtu i rëndohen. A patë sa i ka ngrit aty hidroregjioni jugor? Këto s'di a keni, a keni studiuar mirë? Se nuk e di pse hidroregjionit jugor me i pagu ne 19 cent për kanalizim, për çka? Tash ajo shkon tu rrit. Sa kubik ke shku shkon herë për qatë 19 centin. Domethënë neve dikund afër 70 cent po na bjen me pague kubikën e ujit. Si me pi Coca Cola.

Simir Krasniqi (Kryesues): Po fjala për ju nënkryetar i komunës.

Kujtim Gashi (Nënkryetar): Faleminderit kryesues. E para, edhe përkundër një rritje të vogël që po ndodh, prapë Komuna e Prizrenit e ka çmimin më të ulët. Edhe në raport me komunën e Suharekës që ka 7.5 euro. Edhe në takimin që kemi pasur me kryeshefin ekzekutiv të ekoregjionit, domethënë me këtë rritje kanë rritur edhe pagat e punëtorëve në kompani, që është normal një lajm i mirë edhe për punëtorët. Po ashtu rritja prej shtatë euro është tarifë fikse. Nuk ka shtesa, siç po ndodh në rastin e hidroregjionit. Se ne nuk kemi domethënë ndonjë farë impakti të hidroregjionit se është kompania e qeverisë. Menaxhohet nga qeveria drejtpërdrejtë. Kurse ekoregjioni është kompani regjionale që Komuna e Prizrenit ka aksione. Edhe fatmirësisht edhe ky kuvendi i ka aksionet e veta se i keni dy anëtarë të cilët i kemi deleguar aty dhe një anëtar e kemi deleguar

ekzekutivi pra është drejtori Bexhat Bytyqi. Sa herë kemi nevojë me pas informata ne duhet me kërkuar prej njerëzve që i kemi dërguar atje si përfaqësues të tanë edhe të kuvendit edhe të ekzekutivit. Përndryshe çmim nuk do të ketë më të madhe në faktura por do të jetë çmimi fiks 7euro. Arsyeja pse sot po e bartim që mjetet me u mbledh prej kompanisë është praktike për shkak se në Komunat përreth kjo tashmë po ndodh që disa vite edhe mbledhja, përqindja e mbledhjes së mjeteve është shumë më e lartë sesa që e kemi mbledhur ne si Komunë. Tash kompania natyrisht që ka me u interesuar më shumë me i mbledhur mjetet e veta. Madje ajo ka dhe një mundësi që palët me i çu në përmbarrim, që s'e kemi bërë ne, edhe me arrit maksimalisht me i mbledhur mjetet financiare për mbledhjes mbeturinave. Përndryshe, Komuna edhe kur s'ka arritur me i mbledhur mjetet në atë përqindjen e duhur, ne ekoregjionin e kemi paguar. Domethënë, pa i mbledhur mjetet prej qytetarëve, ne u dasht me pagu për shkak të shërbimeve që i ka kryer si kompani. Këto janë arsye praktike edhe kjo barrë që e ka pasur Komuna, bartet te vetë kompania. Edhe kjo është, me thënë të drejtën, është ndodh thashë edhe nëpër krejt vendet edhe të Evropës, sepse secili institucion i mbledh mjetet e veta financiare. Unë po besoj që ka me qenë më mirë, më praktike edhe siç e keni parë, kompania tash është në procedurë për me marrë punëtorë të rinj, të cilët do të jenë në terren për me i mbledhë mjetet financiare. Në fund të fundit janë mjetet të tyre, le t'i mbledhin vetë, e ne i kërkojmë shërbimet ashtu qysh i paguajnë fakturat. Në anën tjetër, edhe në informatë për juve si anëtar të kuvendit, kryetari do ta merr një vendim si rezultat i një kërkese të kahmotshme që e ka fshati Landovic, atje është deponia, është e vendosur edhe ata nuk e përdorin tashmë as ujin e pijes për shkak të kontaminimit të puseve dhe të ujërave që shkojnë drejt fshatit dhe kryetari ka vendosur që me ja subvencionu domethënë këtë shërbim të mbeturinave për fshatin Landovic, aty ku është e vendosur deponia, do të ketë një vendim të kryetarit. E kemi bërë një analizë, kostoja nuk është shumë e lartë. Natyrisht që si fshat e kanë merituar qysh më herët që ata mos me pagu për mbeturina, sepse ata e pësojnë më së shumti prej deponitëve të cilave është e vendosur në këtë lokalitet, që ata në vijë ajrore ndoshta s'e kanë as 400-500 m. Këto përafërsisht janë La Shukë, përndryshe pa shqetësim faktura ka me qenë 7€ asnjë cent më shumë. Për hidroregjionin ne nuk mundemi me dhënë përgjegjësi sepse nuk është kompani që e menaxhojmë ne edhe ne nuk kemi as aksione aty.

Simir Krasniqi (Kryesues): Faleminderit, fjala për ju Haziz Hodaj.

Haziz Hodaj (LDK): Faleminderit. Derisa ti po bisedoje unë e pyeta Asritin, a keni marrë ndonjë kontakt me Ekoregjionin? Ende nuk janë konsituu, kjo përgjegjësi e kujt është konstituimi i këtyre komisionit të aksionerëve? Këto do duhen ose drejtori i shërbimi publik ose kryesuesi me konsideruar fillimisht me ju treguar rrugën edhe mandej me me vazhduar. Edhe një tjetër, çështja e subvencionimit të mbeturinave për fshatin Landovic. Unë nuk e di që fshati Landovicë ka kërkuar këtë mbështetje, kryetari mirë që e merr. Landovica është duke kërkuar, është shqetësim i jashtëzakonshëm për Landovicën po edhe për edhe për fshatra të tjera për rreth, ekzistenca e asaj deponie. Unë e di shumë mirë që kur është marrë vendim këtu në këtë kuvend për zhvendosjen e deponisë prej pjesës Korishës andej që ka qenë këtu, propozuesi apo nuk e di kush ka qenë hartuesi i projektit që na ka prezantuar projektin, na ka premtuar që aty do të jetë jo veç një deponi, po do

të jetë një vend ku do të njerëzit do të kenë mundësi edhe do t'u lindë dëshira me shku edhe me pushu. Do të jetë e pasur, aq do të jetë do të jetë e menaxhuar qysh duhet. Kështu që ajo në radhë të parë do të duhej me e kërku menaxhimin qysh duhet asaj deponie, mos me i lëshuar ujërat vend e pa vend ose kohë e pa kohë me kontaminu edhe ujin e pijes të Landovicës edhe fshatrave të tjera përreth. Kjo mbështetja që ju paskët me e bë, kjo as nuk e zgjedh problemin edhe nuk e di që Landovicën kanë kërkuar një privilegj të tillë.

Kujtim Gashi (Nënkryetar): Faleminderit Haziz. E kanë kërkuar në një takim që kemi qenë, nëse s'gabo, ka qenë dëgjime buxhetore. Edhe normal që nuk e zgjidh problemin e deponisë, por megjithatë nuk ja bën një obligim shtesë si barrë. Përndryshe e dini ju, deponitë nuk i menaxhon Komuna, deponitë menaxhohen prej nivelit qendror. Komuna, qytetarët e Prizrenit paguajnë për me i vendos mbeturinat në atë deponi, deponitë menaxhohen prej nivelit qendror. Përderisa nuk kemi projekte për riciklim, deponia natyrisht që do të jetë aty. Po kjo është përgjegjësi edhe barrë e nivelit qendror. Përkundër përpjekjeve të vazhdueshme që kemi bërë si Komunë herë pas herë me e largu deponinë prej aty, por po ashtu kemi sjellë edhe shpesh herë investitorë të ndryshëm me të cilët kanë qenë të gatshëm me investu në riciklim të mbeturina, por këto janë projekte nacionale që ne nuk i bëjmë. Për mos me e keqpërdor tash këtë foltore dhe me thënë që këto besoj që do t'i bëjë një qeveri e ardhshme me Bedri Hamzen.

Simir Krasniqi (Kryesues): Faleminderit nënkryetar. Po ta jap përgjigjen Baca Haziz për takimin e aksionarëve. Sa i përket takimit të aksionarëve, ne e kemi sjellë vendimin na ka ardhur ligjmëria prej Ministrisë së Financave dhe Ministrisë së Administrimit të Pushtetit Lokal që jemi në rregull. Takimin e kam thirrë ditën e enjte me aksionarët. Këta do ta zgjedhin kryesuesin aty edhe vazhdojnë punën e më tutjeshme. Nuk mundim t'i thirri unë si kryesues pa e marrë ligjmërinë prej ministrisë. Kjo është, gjithçka është në rregull, këta të enjten takimin edhe vazhdojnë punën më tutje. Fjala për ju Agim Muçaj.

Agim Muçaj (AAK): Faleminderit kryesues. Me të vërtetë, gjithë ato që i tha nënkryetari, me të vërtetë i mbështes edhe mendoj se përgjegjësia dhe inkasimi do të jetë shumë më efikas nga kompania dhe nuk do të kenë probleme më siç kanë pasur deri tash. Inshallah vetëm i mbajnë premtimin që t'u bëhet ngritja e pagave atyre punëtorëve. Mendoj se efikasiteti brenda për brenda kësaj kompanie do të jetë shumë më i mirë dhe do të bëhet një vetëdijësim i qytetarëve që të fillojnë me një mënyrë tjetër të pagesave, po vetëm që të rritet cilësia. Mendoj se kjo pagesë nuk është ngritja e madhe sa mund të jetë e papërbalueshme dhe do të jetë shumë më efikas se dhe vetë kompania, ose do t'i marrim përgjegjësitë e caktuara nëse e nënvlerësojnë këtë mirë që po ja bëjmë. Faleminderit.

Simir Krasniqi (Kryesues): Faleminderit. Atëherë, sa jemi prezent në sallë? 23 jemi prezent kemi kuorum. E hedhim në votim. Sa jemi për? 23 pra jemi për. Kjo pikë miratohet pra si pikë e rendit të ditës. Ju faleminderit. Tash sa doni pauzë? Atëherë në ora 1:30 në sallë të jemi.

PAS PAUZE

Simir Krasniqi (Kryesues): Atëherë fillojmë pra me vazhdimin e mbledhjes. Jemi te pika e gjashtë.

Shqyrtimi dhe miratimi i projekt planit Komunal për riintegrim të qëndrueshëm të personave të riadherësuar dhe integrimin e të huajve në Komunën e Prizrenit 2026-2028.

E kemi iniciuesin e pikës këtua, e ftojmë që ta prezantoj planin. Vetëm në fillim prezantohesh, kush je që para kuvendarëve këtu.

Islam Elshani: Ju faleminderit. Përshëndetje zotri kryesues, zotri nënkryetar. Për të gjithë ata që s'e dijnë, unë jam Islam Elshani, përndryshe jam zyrtar për të drejta dhe Integrimin e komuniteteve, vijë nga zyra komunale për komunitete dhe kthim. Kjo zyrë përveç kërkesave, çështjeve që i kryen për komunitetet jo shumicë, ajo punon edhe në fushën e riatdhesimit. Për të gjithë ata që nuk kanë pasur rast të dëgjojnë për riatdhesimin, atëherë unë e kisha me përshkruar, domethënë me shpjeguar se kush edhe kush janë personat e riatdhesuar edhe me çka mirret kjo fushë. Atëherë po e përshëndes kryesuesin e Komunës së Prizrenit, deputetë të nderuar, mediat dhe zyrtarët Komunal si dhe përfaqësuesit qytetarë të Komunës së Prizrenit. E kështu riatdhesimi ka filluar që nga viti 2012 do të thotë pas marrëveshjes së shteteve të Bashkimit Evropian me qeverinë e Republikës së Kosovës për kthimin e gjithë shtetasve të Republikës së Kosovës, të cilët nuk e kanë të rregulluar do të thotë, vendqëndrimin në shtetet e Bashkësisë Evropiane. E që ka qenë edhe një prej përmbushjes së standardeve për liberalizimin e vizave. Dhe qeveria e Republikës së Kosovës ka angazhuar Ministrinë e Punëve të Brendshme, respektivisht departamentin për riintegrimin e personave të riatdhesuar për implementimin e kësaj marrëveshjeje në nivel qendror, kurse në nivel lokal ka angazhuar zyret komunale për komunitete dhe kthim, të cilët sipas rregullores së qeverisë Republikës së Kosovës numër 22/2020 për riintegrimin e personave të riatdhesuar dhe integrimin e të huajve do të thotë i ka angazhuar zyret për komunitete dhe kthim, ku sipas rregullores së qeverisë Republikës së Kosovës numër 22/2020, për integrim e personave të riatdhesuar dhe integrim e të huajve, neni 43 i kësaj rregulloreje parasheh të gjitha Komunitatet e Republikës së Kosovës. Për këtë çështje është hartuar strategjia nacionale për integrim e personave të riatdhesuar në nivel të qeverisë së Republikës së Kosovës, kurse nëpër nivele lokale janë hartuar plane Komunale për integrim e personave të riatdhesuar dhe integrimin e të huajve. Varësisht specifikave të Komunës nëpër nivele lokale janë miratuar këto plane nga ana e asambleve. Sipas rregullores së Qeverisë së Republikës së Kosovës për integrimin e personave të riatdhesuar dhe integrimin e të huajve, numër 22/2020 është paraparë në bazë të nenit 44, Komunitatet të formojnë komisione komunale për riintegrim. KKR-ja, pra komisioni komunal për riintegrim është i formuar nga nëntë anëtarë, respektivisht zyrtarë nga drejtoritë e fushave të ndryshme si dhe zyrtarë të zyrave. Andaj, anëtarët e KKR-së janë këta siç vijojnë. Domethënë kemi nga drejtoria e komunale e arsimit, nga drejtoria e punës në mjedisin social, drejtoria e shëndetësisë, drejtoria e urbanizmit dhe planifikimit

hapësinor, drejtoria e kadastrit, drejtoria e inspeksionit, mandej nga zyrat për çështje gjinore, zyra për integrim evropiane, zyra komunale për komunitete dhe kthim. Duhet të ceket edhe kjo se kryesuesi i këtij komisioni komunal për riintegrim vjen nga Drejtoria e Punës së Meqenies Sociale. KKR-ja ose komisioni komunal për riintegrim merr vendim sipas nevojave dhe kërkesave të personave të riatdhesuar konform pra rregullores të cilën e përmendëm më lart. Ato ose aprovohen ose refuzohen. Sa i përket personave të riatdhesuar, fluksi më i madh i të kthyerve ka ndodhur në vitin 2014, 2015, 2016 e më pastaj duke ra gradualisht deri në vitin 2023, ku me datën 1 janar të vitit 2024 fillon dalja e qytetarëve të Republikës së Kosovës nëpër vendet e Bashkimit Evropian pa viza. Tani kemi fluks të vogël të personave të riatdhesuar, për momentin të akomoduar i kemi tre familje, me gjithsej 14 anëtarë, dhe tri individë të cilët nuk kanë të zgjedhur çështjen e banimit dhe janë të akomoduar me vendim të komisionit Komunal për riintegrim. Këto persona janë të akomoduar nëpër shtëpi dhe banesa e që qëranë ua paguan Ministria e Punëve të Brendshme. Prej rasteve që janë të akomoduar kemi nëna vetëqyese, persona të shtyer në moshë pa përkujdesje, persona me probleme shëndetësore dhe persona të kthyer me të kaluarën kriminale. Dy vitet e fundit kemi të kthyer edhe të huaj, domethënë me mbrojtje ndërkombëtare, nga vendet e konfliktit dhe që për ata është kompetente Ministria e Punëve të Brendshme. Respektivisht departamenti për riintegrimin e personave të riatdhesuar dhe integrimin të huajve. Kurse ne si zyre vetëm njoftohemi se ku ndodhen dhe u ndihmojmë në shërbimet sociale për të cilët kanë nevojë. Në Komunën e Prizrenit për momentin i kemi vetëm një familje tetë anëtarësh nga Jordania. Kurse vitin e kaluar kemi pasur edhe një zonjushë e cila ka qenë nga Ukraina, por qysh vitin e kaluar ajo ka kërkuar të transferohet në Prishtinë. Kështu që kemi vetëm një familje tetë anëtarësh nga Jordania. Dhe për fund deshta me e cek se ky plan Komunal për integrim për integrimin e personave të riatdhesuar dhe integrimin e të huajve për periudhën 2026-2028 nuk ka kosto financiare. Do të thotë nuk buxhetohet nga buxheti i Komunës së Prizrenit, por nga buxheti i qeverisë së Republikës së Kosovës, respektivisht nga Ministria e Punëve të Brendshme. Kaq sa i përket riatdhesimit, nëse eventualisht ka dikush ndonjë pyetje, jam i gatshëm të përgjigjem. Ju faleminderit.

Simir Krasniqi (Kryesues): Faleminderit për prezantim. E hapim diskutimin që kanë pyetje. Po, fjala për ju, Haziz Hodaj. Faleminderit.

Haziz Hodaj (LDK): Faleminderit zoti Elshani për raportin edhe për punën. Po më bëni përshtypje, kjo kategoria e të kthyerve me të kaluar kriminale që po thoni edhe këtyre të huajve. A keni ju ndonjë raport prej organeve të sigurisë së shtetit për ta? Kush janë ata? Çfarë bëjnë këtu? Në rregull që s'ka kosto, po mund të jetë ndonjë kosto më e madhe, pastaj nëse janë ata përfaqësues ndonjë shërbim sekret apo diçka tjetër. Kështu që a keni ndonjë raport prej organeve të sigurisë shtetërore, kush janë ata, çfarë janë ata? Me të cilët ju merreni? Faleminderit.

Simir Krasniqi (Kryesues): Faleminderit. Mund t'i përgjigjem?

Islam Elshani: Zoti Hodaj, me siguri ka ndonjë raport, por ne si zyrë komunale për komunitete dhe kthim nuk kemi kësi lloj raporti, po me siguri Ministria e Punëve të Brendshme besoj që ka

kësi lloj raporti për persona të cilët kanë të kaluar kriminale dhe kthehen prej shteteve të perëndimit. Mendoj që ka, ne si zyrë nuk disponojmë me kësi lloj raportesh.

Simir Krasniqi (Kryesues): Fjala për ju, Bajram Kasrati.

Bajram Kastrati (LDK): Faleminderit kryesues. Zotëri Elshani, në kohën e fundit kemi një numër jo të vogël të lypsarëve, kryesisht janë prezantohen si palestinez, ku ta di unë dhe nuk është numri i vogël. Po më intereson me ditë ku banojnë këta, ku jetojnë, ku janë për momentin, a jeni marrë me këta?

Islam Elshani: Unë edhe më herët gjatë prezantimit e ceka që të huajtë që janë nën mbrojtjen ndërkombëtare, domethënë vetëm me ato persona domethënë njësia e punëve të brendshme edhe departamenti për riintegrimin e personave të riatdhesuar dhe integrimin e të huajve mirret, kurse ne jemi dëshmitarë si qytetarë të Komunës së Prizrenit se kemi shumë persona të cilët frekuentojnë në Komunën tonë, edhe që janë edhe lëmosh kërkues, po me atë kategori ne vërtetë nuk miremi, do të thotë mirremi vetëm me ato persona të cilët Ministria e Punëve të Brendshme i trajton si persona nën mbrojtjen ndërkombëtare. Ne nuk mirremi kjo është çështje që ndoshta me i shtrë pyetje policisë apo apo dikujt tjetër.

Simir Krasniqi (Kryesues): Diskutues të tjerë nuk ka. Atëherë, sa jemi prezent? 21 jemi prezent. Kemi kourumin e nevojshëm. Kush është për? Unanimisht pra me 21 për miratohet pika e rendit të ditës.

Vazhdojmë me pikat e radhës, pikën e shtatë.

Shqyrtimi dhe miratimi i propozim vendimit shqyrtimi dhe miratimi i propozim vendimit për formimin e grupit punues për hartimin e rregullores së punës së kuvendit të Komunës së Prizrenit.

Simir Krasniqi (Kryesues): Qëllimi pra i kësaj rregullore është që rregullorja e vjetër e punës së kuvendit pra 2016-ën dhe ka disa udhëzime të reja që ndërkohë disa janë shfuqizuar disa janë në fuqi që duhet të caktohet një grup punues, që të ndërhyjmë aty ku është e nevojshme. Si grup punues ne kemi paraparë që të jetë ky grupi punues. Unë pra kryesuesi i kuvendit, një anëtar nga Partia Demokratike, një anëtar nga Lëvizja Vetëvendosje, një anëtar nga LDK-ja, një anëtar nga Bashkimi Demokratik për Prizrenin, do të thotë të gjitha këto që i ceka, merren propozimet pra këtu mungojnë por edhe kemi një përfaqësues nga komuniteti boshnjak dhe një përfaqësues nga komuniteti turk kurse nga sektori i kuvendit është Arbër Krasniqi si anëtar, Naim Kukaj nga zyra ligjore e Komunës anëtar dhe Haziz Krasniqi nga njësia për komunikim me publikun anëtar. Këta do të jenë përbërja e anëtarëve të grupit punues për rregulloren e punës së kuvendit. Unë do t'i marr propozimet nga partitë politike pra. Që keni diçka me shtuar rreth rregullores dhe grupit

punues, e hapim diskutimin. Që nuk kemi, atëherë i marr propozimet. Pra, së pari shkojmë me Partinë Demokratike të Kosovës.

Ymrane Fusha (PDK): Nga Partia Demokratike e Kosovës e propozojmë Arianit Berishën.

Simir Krasniqi (Kryesues): Faleminderit. Pra nga Partia Demokratike, nga grupi parlamentar, propozohet Arianit Berisha. Nga Lëvizja Vetëvendosje pra nuk janë prezent këtu, por nga këta do ta kërkoj me shkrim emrin ose anëtarin e tyre të propozuar në grupin punues. Nga Lidhja Demokratike e Kosovës?

Qemal Krasniqi (LDK): LDK propozon Haziz Hodaj.

Simir Krasniqi (Kryesues): Pra nga Lidhja Demokratike do të jetë Haziz Hodaj, anëtar i grupit punues. Po ashtu nga Bashkimi Demokratik nuk janë prezent në sallë. Do ta kërkojmë edhe këtu emrin e tyre që të na përcjellin pranë përmes email adresave të tyre. Nga një përfaqësues nga komuniteti boshnjak.

Dzengis Saliji (SDU): Eldis Abazi

Simir Krasniqi (Kryesues): Eldi Abazi. Nga komuniteti turk.

Sevilay Igci Hapçi: Onur Kovaçi

Simir Krasniqi (Kryesues): Kjo është përbërja pra, nga Partia Demokratike është Arianit Berisha, nga Lëvizja Vetëvendosje thashë do ta kërkojmë me shkrim të na sjellin emrin e tyre, nga Lidhja Demokratike është zoti Haziz Hodaj, nga Bashkimi Demokratik gjithashtu edhe këtu do ta kërkojmë që të na përcjellin me shkrim, një përfaqësues nga komuniteti boshnjak Eldis Abazi dhe një nga komuniteti turk Onur Kovaçi, e thashë Arbër Krasniqi nga sektori i kuvendit anëtar, Naim Kukaj nga zyra ligjore e komunës anëtar, Haziz Krasniqi nga njësia për komunikim me publikun. Atëherë konstatojmë se në sallë jemi? 22 anëtarë të kuvendit, kemi korumin. Sa jemi për që këta anëtarë të jenë pjesë e grupit punues për rregulloren e punës së kuvendit? Unanimisht pra me 22 vota për, miratohet pika e rendit të ditë formimi i grupit punues për hartimin e rregullores së punës së kuvendit.

Kalojmë te pikat e pika e radhës.

Informatë mbi gjendjen e barazisë gjinore dhe realizimin e objektivave të strategjisë komunale për Barazi Gjinore 2024–2026 në Komunën e Prizrenit;

Simir Krasniqi (Kryesues): E kemi iniciuesin e pikës dhe mund ta bëj prezantimin.

Emine Krasniqi: Përshëndetje. I nderuar kryesues i kuvendit, të nderuar anëtarë dhe anëtare të kuvendit komunal, të nderuar pjesëmarrës, sot para jush paraqes informatën mbi gjendjen e

barazisë gjinore dhe realizimin e objektivave të strategjisë Komunale për barazi gjinore 2024-2026 në Komunën e Prizrenit. Duke monitoruar zbatimin e strategjisë Komunale dhe planit të veprimit për barazi gjinore, si dhe duke u bazuar në gjetjet e monitorimit të realizuar nga organizata Fol dhe publikimet e gazetës komunale Barazia në Fokus e paraqes këtë informatë lidhur me gjendjen aktuale të barazisë gjinore në Komunën e Prizrenit. Strategjia synon avancimin e pozitës së grave dhe vajzave në jetën publike, ekonomike dhe sociale. Komuna ka bërë progres në krijimin e mekanizmave institucional dhe përfshirjen e perspektivës gjinore në dokumente strategjike dhe ka sfida në zbatimin praktik të objektivave, sidomos në buxhetimin gjinor dhe monitorimin sistematik. Është rritur përfaqësimi i grave në kuvendin komunal, por jo mjaftueshëm në pozita udhëheqëse dhe ekzekutive. Gratë vazhdojnë të kenë pjesëmarrje më të ulët në tregun e punës dhe në mundësitë ekonomike. Janë realizuar iniciativa pozitive për fuqizimin ekonomik të grave përmes trajnimeve, subvencioneve dhe vetëpunësimit. Në arsim janë organizuar aktivitete sensibilizuese për barazi gjinore dhe kundër dhunës. Stereotipet tradicionale dhe mentaliteti patriarkal vazhdojnë të ndikojnë negativisht në pjesëmarrje të grave. Komuna e Prizrenit ka treguar gatishmëri të vazhdueshme për promovimin e barazisë gjinore dhe për fuqizimin e grave. Kaq, ka pyetje dikush?

Simir Krasniqi (Kryesues): Faleminderit. E hapim debatin. Ka pyetje dikush? Faleminderit për prezantimin. Atëherë kalojmë me propozimin e pikën e nëntë pra që ishte propozimin nga shefi i grupit parlamentar të PDK-së, Arianit Berisha.

Pika e nëntë:

Shqyrtimi dhe miratimi i propozim-vendimit për ndryshimin dhe plotësimin e vendimit nr.001/011-52028 i datës 30 prill 2026, për bartjen e mjeteve të tejkaluara dhe të pashpenzuara nga të hyrat vetanake të vitit 2025 në vitin 2026

Simir Krasniqi (Kryesues): Këtu e kemi zyrtarin kryesor financiar, mund ta sqaron detaje në qoftë se është e nevojshme. Le të del ta bën një përshkrim të shkurtër. Fjala për ju.

Lulzim Sylejmani: Faleminderit kryesues, përshëndetje kuvendarë, ekzekutiv, media, të gjithë të pranishëm. Siç e dini me 30 prill ne kemi marrë një vendim për bartjen e të hyrave të pashpenzuara të vitit 2025 në vitin 2026, po ndërkohë me datën 28 prill jemi njoftuar nga Ministria e Financave që ka qenë një kthim i një ekzekutimi të vitit të kaluar dhe ai kthim ka rezultuar të jenë të hyra nga shëndetësia. Sipas ligjit nenit 21, domethënë të hyrat duhet të rikthehen në pozicionin ku janë krijuar këtë rast domethënë shëndetësisë edhe arsimit, ne nuk mundem me ja marr të hyrat për me i shpenzu në drejtori të tjera, ato që janë kryer si participim i qytetarëve për shërbime. Faktikisht ne duhet ta respektojmë ligjin numër 03/L-049 të financat pushtetit lokal, nenin 21. Dhe në këtë rast, domethënë, jemi detyruar që nenin 3 të vendimit ekzistues ta ndryshojmë në dy pozicione në mallra, në Drejtorinë e Financave dhe në Drejtorinë e Tatimit të Pronave t'i zvogëlojmë dhe vlerën prej 53.320.37 të bartet në mallra në shëndetësi, aty edhe ku janë krijuar të hyrat. Kjo ka qenë ajo

që neve na ka detyruar që ta bëjmë plotësim, ta biem si propozim plotësim ndryshimin e vendimit të datës 30 prill, për me mund që ato mjete të shpenzohen aty ku janë krijuar faktikisht në drejtorinë e shëndetësisë. Kaq.

Simir Krasniqi (Kryesues): Faleminderit Lulzim. A kemi ndonjë pyetje? Atëherë që nuk kemi pyetje të tjera, konstatojmë se në sallë jemi? 22 anëtarë të kuvendit. Kemi korumin e nevojshëm. Sa jemi për? 22 për. Pra kjo pikë kalon unanimisht, pra miratohet unanimisht dhe këtu e mbyllim seancën, shihemi në seancat e radhës. Ju faleminderit për pjesëmarrjen.

Mbledhja përfundoi në ora: 14:00

